

Erdhörle' os 'm Wald

Franz Keller (of
Swabia.), of
Swabia Franz ...

HARVARD COLLEGE
LIBRARY



BOUGHT WITH INCOME
FROM THE BEQUEST OF
HENRY LILLIE PIERCE
OF BOSTON

Erdbörle'

os 'm Wald.

Gedichte

in

schwäbischer Mundart

von

Franz Keller,

Verfasser der „Doaraschleah“.

Dritte Auflage,

nach dem Tode des Verfassers herausgegeben
und besorgt

von

Joh. Miller.

Kempten.

Verlag der Jos. Köfeler'schen Buchhandlung.
1900.

GerL 1034.481.30.



Sämtliche Rechte incl. Übersetzungsrecht vorbehalten.

Vorbemerkung.

No das liebliche Glött-Thal in das weit ausgebehnte Donau-Ried einmündet, südlich der Stadt Dillingen in Schwaben, liegt der kleine Flecken Glött mit dem ehemaligen Stammschloß des erlauchten Grafengeschlechtes Fugger-Glött.

Dieses Schloß, schon seit 1848 nicht mehr von der gräflichen Familie bewohnt, kam mit einem Theile der dazu gehörigen Grundstücke im Jahre 1869 durch Kauf in den Besitz des Herrn Seminar-Regens und b. g. Rathes Wagner in Dillingen, der dasselbe zu einer Ertrinen-Anstalt ein-

richtete und die Pflege dieser Anstalt Töchtern des heiligen Franziskus aus dem Mutterkloster in Dillingen übergab.

Die erste Oberin des Filialklosters und Vorsteherin der Anstalt wurde und ist z. B. noch eine Tochter des gräflichen Hauses, die Gräfin Bertha Fugger-Glött mit dem Klosternamen Hildegard, die den größten Theil ihrer Kinderjahre in demselben Hause verlebt hatte.

Konnte schon der Kaufpreis damals nicht vollständig erlegt werden, und mußte gleich anfänglich auf die Mildthätigkeit frommer Seelen gerechnet werden, so war und ist Letzteres auch der Fall bezüglich der Bestreitung des Unterhaltes der Cretinen und ihrer Pflegerinnen.

Um die jährlichen Einkünfte der Anstalt ein wenig zu vermehren, übernahmen die Klosterfrauen auch den Unterricht der weiblichen Schuljugend in Glött. Die Zahl der Böglinge in der Cretinen-Anstalt wächst

von Jahr zu Jahr und beläuft sich gegenwärtig auf 57. *)

Die vom Landrathe für Schwaben und Neuburg für die Anstalt bewilligten 800 fl. sind an elf Eretinen zu theilweisen Freiplätzen vertheilt. Neunundzwanzig Eretinen sind für lebenslänglich um verhältnißmäßig geringe Summen eingekauft, für die übrigen wird je nach Vermögen der Eltern oder Heimathgemeinden einiges Kostgeld entrichtet.

Hieraus ist leicht abzunehmen, daß die junge Anstalt noch immer zu ringen hat, um Mittel für ihren Fortbestand zu beschaffen, und um nicht allzu viele Unglückliche mit ihrem Gesuche um Aufnahme abweisen zu müssen.

Beim Anblicke der vielen Kinder möchte die Oberin wohl oft der Worte des Heilandes gedenken: „Woher werden wir

*) Im J. 1886 schon 97.

Brod nehmen, daß diese alle essen können?“
(Joh. 6, 5.)

Um nun der christlichen Nächstenliebe
dieses große Feld ihrer Thätigkeit zu zeigen
und zu fortgesetzter Beihilfe zu ermuntern,
habe ich vorliegendes Büchlein verfaßt und
auch das Honorar für diese Anstalt bestimmt.

Waldkirch im Juni 1875.

Der Verfasser.



Boarred

zue d'r dritta' Auflag.

Kalt gat d'r Wind, d'r Herbst isch dau,
D'r Wint'r voar d'r Thür.

Mir krummet d' Finger, wenn is sa,
Denn von de Bäum fällt 's Laub scho' ra.

Au, au, wie grüßlet's mir!

Und i sott frische Erdbör hau',
Um dia' Zeit, g'wiß und wahr.

Ja, wenn d'r Pfarr vo' Unterroath
No s' Leaba' hätt', — doch dear ischt toadt
Jez scho im dritta' Jahr.

Was d' Leut jez aber glüschteg sind!
I fa's schiear nit verschtau'.

Wenn's Winter wert, in deaner Zeit,
Wau's weit und broit foi' Bör meah geit,
Dau wend si Erdbör hau'.

Seahnd, Hagabuza' geb's no guue
Und Doaraschleah, ja mei',
In deaner Waar wär no foi' Noath
Und alle no von Unterroath,
— Doch Erdbör sollet's sei'! —

Dös ischt sei' arg. — Was thuet ma' dau?
Sait Diner, dear's verschtat.
Jez oine brocka'? — Dös gat nie.
Wau wur ma' jez a' Erdbör frie,
Wenn's z' Rempta' Schnee scho' hat?

Dau nimmt ma' oifach alte Bör,
Reit's in an Hafa' nei'
Und macht a' gueta' Brüeh dra'na',
Thuet Zucker und an Zimmet dra'
Und macht dia Börle' ei'.

So hat ma's g'macht, und jez hand Ihr
A Herra'schpeis, — i wött;

Ei'gmachte Erdbör — Herrgott nei'! —

Dös mueß a' führnehmens Eßja' sei',

Hand gwiß no koiner g'hett?

Drum kaufet g'schwind dös ei'gmacht Zuig!

So ebbes ischt nit schlecht.

Ihr schlecket d' Finger d'rnauch a,

Und nauche werd a' jeder sa:

Dear Schprecher hat doch recht.

Wenn Ihr nau schlechte Mäga' hand,

Und fehlts li gar im Blutet,

Von beane Bör an Löff'l voll,

Nau wert's li wieder pudelwohl,

Und alz ischt wieder guet.

Hat Dis da' Weahtag im a' Zah'

Und hält's schiar nimma' aus,

Dau thuet's a' halber Löff'l voll.

Au! Wie dös kühlt, s' wert Dim ganz
wohl!

Doch mueß d'r Zah' voar raus.

Und wear a' b'sondra' Preschting hat,

Därf nit zum Bad'r gau',

Därf nit sei' Geld zum Doft'r tra,

Keller, Erdbörle'.

Dear soll si nu' von Kempta' ra
So Erdbör komma' lau'.

Denn z' Kempta' bei deam Rös'l geit's
So Wunderfläschla' gnue;
Viel Hundert hand dia scho' kuriert.
Jez weam dös Ding a' weng preßiert,
Lauf heut no' Kempta' zue!

Günzburg, 16. Oktober 1899.

Joh. Willer.



Boarred

zue d'r zwoita' Auslag.

Jetz hand se dia Erdbör scho' alle v'rزهrt
Nu', Sünd' isch grad koina', i hau' 's it
v'rwehrt.

I hau' sogar g'mahnet: Ja kaufet nu' zue
Und esset so Börla', mir hand ja grad gnue!
D'r Kösel hat sell amal ausdrückle g'sait:
Je meah ma' v'rschpeis, desto meah daß 's
'n freut.

Jetz sind sie halt gar, ja foi' gogigs meah
dau,

Au 's letscht no v'rflaubet, — was thea'
m'r iez nau? —

Und wenn halt a' Anderer au oine mecht,
Soll der foine friega'? Dös wär ja nit recht;
D'rüm bring i iez nomal 'n Krätta' voll Bör
Und wiünsch of a' nuis, daß ma' 's woidle
v'rjöhr.


Je; kommet, ihr Leutla', und faufet recht ei'!
Dös Geld kommt of Glött in dös Klöa-
sterle nei',

Da theand 'r a' Wohlthat, es ruit ana' nit,
Ihr frieget 'n Geldsgott für d' Ewigkeit mit.
Und standet ihr doba' am himmlische Thoar
Und zoiget em Petrus so Erdbörle' voar,
Da wert 'r glei schmoza', voll Froindlikeit sei'
Und laßt um so liab'r in Himmel ui nei'.

Unterroth, 13. Oktober 1886.

(Am Tage, da man den Gründer der Cretinen-
Anstalt, H. geistl. Rath Wagner begrub. R. I. P.)

Der Verfasser.



I.

G'schpass und Larescht.

1.

Was geit's?



1.

Ich stand mal z' Aued ganz alloi'
Beim Dislinger Kapelle:
Vom Ried sind d' Schnitt'r all' scho' hoi'
Und alle Schäufla' groaß und floi';
Da fällt a' b'fandra' Helle
An's Dislinger Kapelle.

2.

Im Doana'-Thal isch neab'l-grau,
Roï' Dartle siecht ma' liega':

1*

Ma' läut da' Grueß d'r lieba' Frau
Dß manchem Thürmle hört und dau;
Doch bald hat Alles g'schwiega',
Koi Darile siecht ma' liega'.

3.

Nu weit'r deana' an d'r Glött
Dau will's it dunkler weara':
Da hat's a' guld'na' Helle g'hett,
Dau scheint wohl sicherle — i wett —
Vom Himmel ra a' Steara';
Dau will's it dunkler weara'.

4.

Dös Graufa'-Schloß os alt'r Zeit
— 's ischt iez a' Kloascht'r woara' —
Ah, was dös für a' Helle geit,
Ma' siecht's am Tag sonscht it so weit;
's ischt in de' Bäum v'rloara',
Sicht iez a' Kloascht'r woara'.

5.

Und in deam Haus a' Kloascht'rfrau
Sicht Jungf'r und a' Muett'r:

„Ah,“ wert ma' sa, „was schwägscht iez dau?“
So merf nu auf, i sag d'r's nau;
Ja, lieb'r Chriſcht, du guet'r!
S' iſcht Jungfrau und a' Muett'r.

6.

D dia hat viele Kinderla'
Und herzet's grad wia oiga'
Und thuets mit ihre Schweschera'
Verpfleaga', füettra', säubera';
I möcht d'r's nu mal zoiga',
Sie herzet's grad wia oiga'.

7.

D woisch, dö's iſcht fei' grauſig ſchea',
So arme Kind'r pfleaga':
Die leible Muett'r mag's it meah,
D'rum thuet ſi's dean'r Muett'r gea';
Und 's braucht au Gnaud und Seaga',
So arme Kind'r pfleaga'.

8.

Kretina' hoifet ſe dia Kind,
Ka' foi's ſei' Broad v'rdeana':

D was dös arme G'schöpfle' find,
Dia of d'r Welt i kaum oi's find!
Und braucha' fa' ma's neana',
Ka' foi's sei' Broad verdeana'.

9.

D mia viel Arbet machet dia!
I fa' d'r's it v'rhehla':
Viel leicht'r pußeicht Ross und Rieh,
Dia machet oim nit d' Hälfte Mieh
Mit Wäsche', Buße', Strehla';
I fa' d'r's it v'rhehla'.

10.

Und all dös roi' um Gottesloah',
Denn d' Welt fa' dös it zahla':
Viel Hundert könnstet 's gar it thoa'.
Dös trait do g'wiß a' scheana' Kroa'
Mit laut'r guld'ne Schtrahla';
Denn d' Welt fa' dös it zahla'.

11.

Und d'rum theand dört in schtill'r Nacht
Dia Kroana' gar so glißga':

Ja, guck' doch num, o gib doch Acht!
Ist dös so schea', a' mahra' Pracht!
As wia a' öbig's Blitzga';
Dia Kroana' theand so glistga'.

12.

Und doch ischt hunda' groaßa' Noat.
Dia Tocht'r von dem Graufa'
Hat für dia Kind'r oft foi' Broat
Und ischt ihr Aug vom Heina' roat.
Ra' oft voar Sorg it schlaufa',
Dia Tocht'r von deam Graufa'.

13.

Warum wohl dös d'r Herrgott thuet?
Ha mei'! Gar wert halt denka':
Viel hundert Leut hand Geld und Guet
Und sitzet d'rauf wia of d'r Bruet;
Dia sottet ebbes schenka',
So wert d'r Herrgott denka'.

14.

Und wia a' Schtinn vom Himmel ra
Thuet's mir im Dahr drinn klinga';

Mir isch, als hear i deutle sa:
„Wia, mach a' Lied, dös ka'scht du ja,
'N Lied vom Opfer bringa';“
So thuet's in's Dahr mir klinga'.

15.

D'rum wand're i in d' Welt dau naus
Und thue dös Lieble singa'
Und bettle so voar jed'm Haus
'N Nikl für Kretina' raus;
D theand' a' Opf'r bringa'!
Dös Lieble thue i singa'.



2.

D'r Spruch.

I bi' foi' Rappazin'r,
Mei' Bart ischt gar so schlecht,
Und gang iez do ge' bettla'
Und bettle earscht no recht.

Wert do foi' Schandarm komma'!
Und wenn jez oiner käm'
Und wött mi arretiera'
Und mi in's Landg'richt nähm',

D'r Richt'r müeßt mi leasa',
So ließ 'r mi nit gau':
Am End thät ear mi kaufa',
Dös möcht i eaba' hau'.

Dia Herra' von de' G'richt'r,
Wau Brill und Schnauß hand,
Sind g'rad it all so fürchteg,
Sind oft de bräv'schte Mand.

Und thäten's mi in's Schtüble,
Si land mi scho' meah raus;
Nau thät i wied'r bettla'
Und glei vo' Haus zue Haus.

Und was i mir v'rettle,
— D wenn doch 's Glück mir wött! —
Dös schenk' i de' Kretina'
Jn's Albaschterle of Glött.

Nu wia! iez theand ui rega'
Und langet in da' Sack
Und kaufet so a' Büechle,
Dau ischt a' ganz'r Pack!

Dös Geld bringt ui da' Nutza',
Sonscht wär i nit so fed;
Es krieget's arme Kind'r,
Nicht g'wiß a' guet'r Zweck.

Und ihr hand nau Gedichtla',
Recht herzig, g'wiß und mauhr,
Und wied'r munt're G'schichtla',
D dau hat's g'wiß foi' G'fauhr.

D'rum kauf', du Dbarländler,
Du, Staudaschwaub! — i bitt, —
Und du, vom Rias dahinda',
Gang hear und nimm oi's mit!

Und leasat dia Gedichtla',
I moi', se seie schea';
B'rählet au dia G'schichtla',
Nau kaufet's scho' no meah!

Sez gang nu zue, mei' Buechle!
I ka' di halt it tra;
Thue oarbale fei' bettla'
Und au glei Geltsgott sa!

Doch wött di Diner schimpfa'
Und sa: „Maschier di naus!
Für deine Kloascht'rfrau'
Gib i koin Hell'r aus:“

Dös därf di gar it fränka',
Dau thue du nu' meah gau';
Woisch, nit an alle Schtäubla'
Ra'scht reise Börle' hau'!

Was Diner geit mit Zanka',
Mit beam komscht gar it weit:
Doch thuat d'r Herrgott seagna',
Was Diner geara' geit.



3.

An die schwäbischen Exzellenzen,
Durchlauchten, Erlauchten, Gra-
fen, Barone etc.

~~~~~

Wia zue unser'm Hoil und Seaga'  
Und zuer Retting von uns all  
's Christkind ischt im Kripple gleaga'  
Z' Bethlehem im kalta' Schtall:  
Kommet drei vürnehme Mand,  
König os 'm Morga'land.

D' Muett'r von deam Kind, deam arma',  
Schtammt os königlichem Bluet,  
Ischt so noathig zum Brbarma',

Hat koin Schloier und koin Huet:  
Hat toi' Bettle für ihr Kind  
Und koin Schutz voar Froscht und Wind.

Doch dia Röneg, voll Bedaura',  
Saget zue d'r arma' Frau:  
„Schweschterle! gelt, thue nit traura'!  
Woisch, mir sind scho' au no dau,  
Geand dir geara' unser Gold  
Für dei' Kindle wunderhold.“

„Au 'n Weihrauch wöll m'r schenka',  
Denn a' Priescht'r werd dei' Kind;  
Wert nau scho' an uns au denka',  
Opf'ra' au für unser Sünd;  
Schterba' mueß dei' Kindle au,  
Und drum laß m'r Myrrha' dau.“

Und sie leget ihre Gaba'  
Freudig voar 'm Kripple na',  
Daß sie dra' dia Muatt'r laba'  
Und ihr Kindle schtilla' fa':  
Daß sie au a' Zehrgeld hand  
Weitsurt in's Ägypterland.

Manche Reiche möchtet geara'  
Wie dia König fromm und guet  
Au dös liab Christkindle eahra',  
Wisset bloaß it, wie ma's thut.  
Herrla'! Dia Gretina' sind  
G'schwischterla' vom Jesuskind.

Groaße Herra', Fürshta', Graufa'!  
Reich begüet'ret, wie Ihr sind,  
Theand iez mal mei' Büechle kauf, a,  
Und dös Geld g'heart deane Kind:  
D' Muett'r, dia's v'rpfleaga' thuet,  
Ist sell au a' Graufa'-Bluet.

Hand doch au mit ihr Bedaura',  
Saget zu d'r arma' Frau:  
„Schweschterle, gelt thue nit traura',  
Woisch, mir sind ja au no dau!  
Helfe dir in deiner Noat,  
Geabe deine Kind'r Broat.“

Land au etle Fuchsla' schpringa',  
Leget's ja of Zinfa' a';  
Därfet au 'n Weihrauch bringa',  
Dean ma' recht guet brauch'a' fa':

D mia wär voll Seligkeit,  
Dia döß kriegt, und dear's ihr geit!

Und nau wand'ret Uire Myrrha',  
Was Ihr Bitter's je hand g'hett,  
Was Ui oft möcht 's Herz v'rwirra',  
Mit deam Dpfer na of Glött:  
Weicht au nit g'rad jed'r Schmerz,  
Ab'r leicht'r wert Ui 's Herz.

Und so theand iez Dpfer bringa',  
Wia wenn z' Glött no 's Kripple wär;  
D' Engela' theand 's Gloria singa',  
D' Gräfe heinet Freuda'-Zähr.  
Machet's so, Ihr könnet's ja,  
Und i thue glei „Geltsgott“ ja.



4.

An Exzellenzen etc. etc.,

die nicht schwäbisch, aber recht gut deutsch  
verstehen.

~~~~~

1.

Als zu unserm Heil und Segen,
Zur Erlösung unser all
Arm in Windeln noch gelegen
Christus in dem nieder'n Stall:
Kamen aus dem höchsten Stande
Könige vom Morgenlande.

2.

Sieh', die Mutter dieses armen
Heil'gen Kindes lieb und gut,
— Ach, wer fühlte nicht Erbarmen! —

Keller, Erdbörse. 3. Aufl.

Stammt aus königlichem Blut:
Hat kein Bettlein ihrem Kinde,
Keinen Schutz vor rauhem Winde.

3.

Doch die Kön'ge voll Bedauern
Sprechen zu der Mutter gleich:
„Schwesterchen! nicht sollst du trauern!
Deine Brüder sind ja reich:
Geben gern von ihrem Golde
Für das Kind, das wunderholde.“

4.

„Wollen dir auch Weihrauch schenken,
Denn ein Priester ist dein Kind;
Wird auch unser einst gedenken,
Opfern auch für uns're Sünd':
Opfern wird es ja sein Leben,
Wollen d'rum auch Myrrhen geben.“

5.

Und sie legen ihre Gaben
In den Krippenschrein sodann,
Daß die Mutter sich erlaben

Und ihr Kindlein stillen kann:
Daß auch Reisegeld sie fanden
Nach Ägyptens fernen Landen.

6.

Viele Reiche wollten gerne
Wie des Ostens frommer Sohn
Folgen einem Himmels-Sterne
Zu der Krippe Gnadenthron:
Gäben dort mit vollen Händen,
So sie ihren Heiland fänden.

7.

Doch zu Bethlehem im Stalle
Steht nicht mehr der Krippenschrein;
Aber Jesus ladet Alle,
Alle, ihn zu suchen, ein:
Und im allerärmsten Kinde
Will Er selbst, daß man Ihn finde.

8.

O so naht Euch jenen Kindern,
Fürst und Graf und Reichsbaron!
Wollet ihre Armuth lindern,

Wie es heißt der Gottessohn:
Dieser Kinder treue Amme
Wuchß ja selbst aus Eu'rem Stamme.

9.

Traget auch mit ihr Bedauern,
Sprechet jenen Weisen gleich:
„Schwesterchen, nicht sollst du trauern!
Deine Brüder sind ja reich:
Wollen deinen Kummer lindern,
Nahrung reichen deinen Kindern.“

10.

Könnt ich Euer Herz erweichen,
Gäb't Ihr manche Marke fein;
Würdet wohl auch Weihrauch reichen,
Ach, wie oft bedarf man fein!
Und wie selig wäre, — denkt! —
Die empfängt, und wer ihr schenket!

11.

Und dann zögen Eu're Myrrhen,
Eures Herzens Weh und Ach,
Statt das Herz Euch zu verwirren,

Eu'rem Gold und Weihrauch nach:
Oder — wichen nicht die Schmerzen, —
Zöge Trost doch in die Herzen.

12.

Wollt nach Glött d'rum Opfer bringen,
Wie wenn dort die Krippe wär',
Wo dann Engel Gloria singen
Zu der Gräfin Dankes-Zähr'.
Und für Eu're milde Spende
Gottes Lohn bei Eu'rem Ende!



5.

Für d' Baura',

dia in jedem Feld 20 oder mehr Tagwerk
hand.

Hi, woischt du au, mei' liab'r Chrischt,
Wear z'earscht an's Kripple komma' ischt
Und beatet hat beim Jesuskind?
Und wear 'm z'earscht hat Dpf'r brunga',
Wia d' Eng'l hand ihr Gloria g'funga',
Was dös für Leutla' g'weasa' sind?

Von Bethlehem sind's Hirta' g'wea',
Dia hand dau z' Nacht 'n Eng'l g'seah,
Wia's bei de' Heerda' g'wachet hand:

Vom Eng'l hand si's inna' woara',
Daß iez d'r Heiland sei geboara',
Nau hand's 'n g'suecht, dia brave Mand.

Da findet si a' Kind so arm,
Schier ohne Häss, daß Gott v'r'barm!
Doch g'rad so hat's d'r Eng'l g'sait:
Es wear recht arm im Kripple liega',
D'rüm hand au ihre Zweif'l g'schwiega',
Sie knieglet na' voll Seligkeit.

Dia Hirta' hand sell au foi' Bett
Und au foi' Gold und Silb'r g'hett,
Und mohl au von Papier foi' Geld:
Doch daß sie nit ganz leer sind komma',
So hand sie duß a' Lämmle g'nomma'
Von ihre Heerda' of 'm Feld.

Hearsch, Baur? Dia Leut vom g'moina'
Schänd,
Wau 's Herz am rechta' Fleckle hand,
— I mach di schier a' bißle schtolz, —
Dia hat d'r Herr an's Kripple g'hollet,
Damit sie z'earscht ihr Dpfer zollet:
Jez sei sei' du au nit von Holz!

Ja, liab'r Baur, gang nu mit mir!
Gang mit of Glött, nau zoig i dir
A' Kripple, wau viel Kind'r sind:
Dau finde' mir Cretina'-Kindla',
Ihr Häs so g'ring und leicht wie Windla',
Und all sind Froind zum Jesuskind.

Dau sottesch't iez halt ebbes gea'
Mit guet'm Willa', dös wär schea',
Denn arem sind dia Kind'r all:
Wie, b'sinn di nu, du hascht ja 's Rämle
Wie d' Hirta', woisch, a' jährig's Lämmle!
Hascht zwanz'ga', dreiß'ga' in dei'm Schtall.

Und hättesch't du foi' Schauf im Schtall,
So hascht doch Rüeß in jedem Fall,
Dau ließ sie ebbes macha', schau:
Und wöttesch't grad foi' Kälble bringa',
So laß doch etle Thal'r schpringa'!
A' Zentner Troib, dös thät's scho' au.

Und hascht 'n Wald, so schlag 'n Baum,
'N goziga', dean merkscht ja kaum,
Und z' Glött, dau könnt ma'n schneida' lau:

Und Büschl, Wella', wersch't wohl fenna',
Dia brucht ma' z' Glött halt au zum Brenna',
I moi', du werrescht mi v'rschtau'.

Und Bäure, gell, gib du fei' au!
So Di'r und Schmalz, i mag di nau,
Und 's Christkind mag di no viel meah
Und thuet mit U'glück 's Haus v'r'schoana'
Und wert U i schpät'r so beloahna',
Als hätten't's Ihr in's Kripple gea'.

Gar seagnet U und Uire Kind,
Dass all recht brav und fleissig sind,
Und dass se folga' theand of's Woart;
Und kommt d'r Loab heu't ob'r moara',
Wear geara' geit, gat it v'rloara',
Dia Seal kommt an 'n guata' Dart.

Jez b'hüet di Gott, mei' Bauersma',
Und was i g'sait hau', denf fei' dra'!
Und schuib's it of da' langa' Bank:
Und hascht du ebbes Richtig's geaba',
Dös wert die freua' dur's ganz Leaba',
Ob du iez g'sund bischt ob'r frank.

Nachschrift.

Jez los, was i no jaga' wött!
Ra'scht du nit sell gau' of dö's Glött,
Nau schick nu 's Geld, weil's sonscht z'viel
köscht:
Und schreibschd nau d'rauf: a' Geld ischt
dinna',
Dös g'heart of Glött, zue de' Cretina',
Bei Dillinga', so heißt dia Poscht.



6.

An da' Geabhart.



Der Geabhart hat — ach, liab'r Gott! —

Im Arm a' fürchtig's Leida';
 Wenn ear in Sack nei' langa' wott,
 Dau wert 'r weiß wia' Kreida';
 Dös geit 'm allamaul 'n Riß,
 Dau macht 'r scho' a' grimmig's Biß:
 Dös kommt von deam B'renka',
 Sonstcht thät 'r viel v'r'schenka'.

Und hat 'r huß sei' Portmonä,
 So fehlt's meah in de' Fing'r;
 Und wenn 'r's au drinn liega' säh
 Dia' kloine runde Ding'r:

Raum bringt 'r oi's und zwoia' raus,
Gar friagt da' Krampf — ischt dös a'
Graus —

Es thuet 'n völlig lähma',
So zuicht's ihm d' Finger zäma'.

Ma' sait, es fehl 'm au am Herz,
D' Verhärting wend se moina';
Und allaweil no mind'r wert's,
Denn Beß'ring siecht ma' koina'.
Au' mei', du armer reich'r Ma'!
Am End muescht gar no schterba' bra',
Wie bischt du so malad'r,
Und hilfst d'r halt foi' Bad'r.

Du nimmst iez doch scho' jahrlang ei',
Mit Pülverla' und Bolla',
D noi', dös mueß viel härt'r sei',
Siecht aus wie Gulde-Rolla':
Und gar nix gat meah von d'r weg,
's ischt Alles no am alta' Fleck;
Sie hand scho' saga' wölla',
Es müeß di bald v'r'schnölla'.

Was hascht nau, o du arm'r Tropf,
Du Knicker, du v'r'schtodter!

Ja, hascht denn laut'r Schtroah im Kopf?
Gang hear, i bi' dei' Dokt'r!
Gi'g'nomma', woisch, hascht du iez guue,
Jez mueß au ebbes weg gau', Bue!
Sonscht wärescht ja v'rloara',
I will gau' an d'r boahra'.

Kommt nu' d'r Moi, i thue ganz g'wiß
Dir Moia'-Käaf'r kauf'a'
Und schuib d'r's unt'r's Kopfsaß,
Nau ka'scht mal nimma' schlauf'a':
Dia prediget dir in d' Dahra' nei':
„Schtrand auf, gib de' Gretina' sei',
„Nu schnell thue ebbes holla',
„A paar so schwere Kolla'!“

Und nau, nau kriegscht du leicht'r's Bluet,
Nau wert bei' Herz meah warem;
Es kommt foi' Krampf — i schtrand d'r
guet —

In d' Finger und in Arm.
Nau wert earscht meah bei' Leaba' schea',
Därffscht nu de' Arme' ebbes gea';
Dia theand nau für di beata',
Dös hilft für alle Mōatha'.

D'rum, Geabhart, nimm dös Pulv'r ei'!
Dös hat scho' Viele g'holf'a';
So knickig därfsch't iez nimma' sei',
Roz' Malafur und Olsa'!
Ja, sei m'r doch foi' sott'r Ruech
Und kauf of's weanigescht dös Buech;
Sonscht giengescht ja v'rloara',
Schtirbst heunt du od'r moara'.

Wohl thät ma' di, bischt du mal toadt,
Im Kirchhof duß v'rgraba';
Doch käm dei' Seal in groaßa' Noat,
Dia könnt koin Frieda' haba':
Dia müßt nau hocka' of d'r Truch,
Of deine Baga' Wuch für Wuch:
Dia träf nau d' Schtrauf am moischta',
Müest viele Nächt lang goischta'.

D'rum, Geabhart, nimm mei' Medici'!
Laß nit dei' Geld v'rfaula';
Sonscht bischt mit Leib und Seal mal hi',
Du thätescht mi doch daula'.
Und öbig ka'sch ja doch it hau',
Du muescht bean Hausa' mal v'rlau'.

Wia, thue dei' Säckle holla'
Und bring m'r a' Paar Rolla'!

Rauch-Schr — ist.

Geabhart, Geabhart, sei' foi' Ruech!
Gang iez hear und kauf dös Buech!
Wenn's it thuescht, dös sag d'r sei',
Muescht dei' Lebtag Geabhart sei'.



7.

D' Uhra'.

A' Händler bringt a' mal a' Uhr
 Und sait, dia sott i kaufa';
 Dia gang sogar vier Wucha' dur,
 Thea' Tag und Nacht furt laufa'.
 A' netta' Sach,
 Dia Uhr bleibt wach,
 Thät au d'r Herr v'r'schlaufa'.

Wohl hat dia Uhr a' prächtig's Haus,
 Siech neana' foine Lucka';
 Doch zuig i maul a' Thürle raus
 Und sieg 'n Schtaub raus gucka':
 Hah, denf i mir,
 Nu raus mit dir,
 Sonstcht könnt's im Ührle schpucka'!

Und in dir sell hascht au a' Uhr,
Doch hasch it dārfa' kaufa';
Dia picket wohl 's ganz Leaba' dur,
Thuet Tag und Nacht furt laufa':
A' netta' Sach,
Dia Uhr bleibt wach
Sogar au unter'm Schlaufa'.

Und wenn f' a' maul wött nimma' gau',
Wia thätesch du glei schtuga'!
Und wurescht groaße Sörga' hau'
Und ließesch 's Ührle' puşa':
Denn wenn sie schtat
Und nimma gat,
Was thät si di denn nuşa'?

Du hascht au no a' andra' Uhr,
Dei' G'wissa', — laß dir saga'! —
Und wenn dös Ührle schtaubig wur,
Thät's nimma richtig schлага':
I bitt di, gell,
Gang of d'r Schtell,
Thue's au zum Puşa' traga'!



8.

D' Grasmucka'.



Ich hau' a' maul zwoi Bögela' g'feah
 — Grasmückla', moin i, feies gwera' —
 Hand in mei' Heck nei' 's Neschtle baua';
 Ich hau' glei denkt: ihr theand z'viel traua'.

Im A'fang gat no Alles guet,
 Dös Weible sitzt iez of d'r Bruet;
 Und endle wert sie halt an Muett'r
 Und hollet für dia Junge 's Fuett'r.

Dau ischt alltag Famili-Fescht,
 De Junge isch so wohl im Nescht;
 Sie land si von de' Lüftla' wiaga',
 Doch möchten's iez sell an bald fliaga'.

Raum ab'r sind s' vom Neschtle weg
Und sitzet duffa' of d'r Heck:
Dau sind so bease Schperb'r komma'
Und hand mit furt dia Bögela' g'nomma'.

Iez sind of oi'mal d' Freuda' aus;
Ist dös a' Jaum'r und a' Graus!
Ist dös a' Heina' und a' Klaga'!
Dös Glend kan i Neama' saga'.

O Bögela', ihr daulet mi!
O Mütterle, wear tröaschtet di?
Dei' Freua' all, iez leit's im Bronna',
Ist wie a' schean'r Traum v'rronna'.

So ist in manchem Haus a' Loid,
Es heinet Eltra' alle hoid:
Es sind dia Kind'r wohl it g'schorba',
Doch hat na' d' Welt ihr Herz verdorba'.

O Töchterle, wie daulescht mi!
O Mütterle, wear tröaschtet di?
Dei' Freua' all, iez leit's im Bronna',
Ist wie a' schean'r Traum v'rronna'.

D Kindle, bleib — dös wär halt's Bescht —
Beint Mütterle d'rhoim im Nescht!
Thue di alloing in d' Welt it wauga',
D woisch, dös geit viel nasse Auga'!

Und Mütterle, gib voarhear Acht!
Dia Schperb'r passet Tag und Nacht:
Und nauche dārffsch in Bähr v'rschwimma',
Ißch oi'mal g'fehlt, hilf'is Heina' nimma'.
Nimma'.



9.

D' Brautwahl.



Gold'ne Schneefla', blaue Auga',
Roathe Bäckla' — Milch und Bluet:
D bau därf i g'wiß it frauga',
Gelt, dia g'fallet dir scho' guet?

Und a' Mäule wie a' Häse,
Zäh'la', weiß wie frisch'r Schnea':
Nu', was saicht zue so 'nem Bäsle?
Ja, dia mueß ma' geara' seah.

Ab'r guck in etle Zäuhrla'
Nach deam G'sichte, wau sie hat:

D' dau bloichet scho' dia Häurla',
Und dia Muga' gucket matt.

Und dia Haut ischt volla' Falta',
D' Lefzga' schuif und oft ganz blau:
Und foi' Zah' will nimma' halta',
Siegscht a' Lücke dört und dau.

D' wia bischt du iez betroga',
D' du arm'r, arm'r Ma'!
All dia Scheane ischt v'rfloga',
Wia ma' nu so werra' fa'!

Hat a' Mäble sonscht nix oiga'
Als nu grad a' saubr's G'sicht:
D' böß wert si gar bald zoiga',
's ischt a' Fada', dear mal bricht.

Ab'r d' Tuget thuet it bloicha',
Ist so schea' und bleibt au so:
Thät's au hundert Jauhr v'rroicha',
Wert si allweil schean'r no.

Soll's d'rum mal zum Heirega' komma',
Wähl du als a' recht'r Christ:

Wähl a' brava', wähl a' fromma',
Dia im Herz d'rinn saub'r ischt!

Deaner gib dei' guldes Ringle!
Fuehr's mit Eahra' in dei' Haus!
Isch au sonscht a' saub'r's Dingle,
Nu', nau han i au nix aus.



10.

Warning.

~~~~~  
 Han oft recht scheane Bilder g'seah,  
 Bin au am Rhoi', am Rigi g'wea',  
 Bin au an hoaher Taf'l g'fessa',  
 Hau' manche guete Bröckla' g'fessa',  
 Hau' scheane Liab'r heara' singa':  
 Bia theand oim dia in's Herz nei' bringa' !

Doch deane G'nüß von Aug und Dahr  
 Bög i 'n and'ra' weit no voar;  
 Dia Freuda' all sind halt sofo,  
 I wüßt m'r scho' a' bess'ra' no,  
 W' Freud, um dia i viel it nähm:  
 Mei' Muetterle wenn wied'r käm.

D durst i f' an mei' Herz na' drucka',  
 In ihre liabe Muga' gucka' !

Und wenn's von mir an Ale mächt,  
A' Bußerle, o döös wär recht!  
Durst i döös Wöartle nomaul heara':  
„Komm, Fränzle, komm, i hau' die geara'!“  
Nau ließ i Rhoi' und Rigi sei'  
Und säh in ihre Auga' nei',  
Ließ ui Burgund'r und Paschtet',  
Wenn i nu d' Muett'r wied'r hätt!  
I luß ui scheane Liab'r singa'  
Und thät voar zue d'r Muett'r schpringa'.

Doch dia ischt toadt, scho' lang v'rfaulet,  
D wia hat mi döös Weible daulet!  
A' treuer's Herz hat nimma' g'schla,  
Und hat's so früeh in's Gräble tra.  
Liab's Herrgettle! wia isch denn komma',  
Daß d' mir so früeh hascht d' Muett'r  
g'nomma'?

Doch wia i mi dau so beflag,  
Isch mir, als ob ma' zue mir sag:  
„Wear d' Eltra' liab'r hat als Gott,  
„Dear hat foi' Liabe, wia 'r sott.  
„Mit unfer'm Herrgott aufbegeahra',  
„D gulbes Kind, was soll döös weara'?“




D thue entsaga'  
Ohne Klaga'!,  
Thue liab'r bulda'  
Als verschulda'!  
Of Gott thue baua'  
Und vertraua'!  
Zue Ihm thue beata'  
In de' Neatha'!

Nau kommscht du als a' willig's Kind  
Au nauf, wau deine Liabe sind.

Dau rauschet's schtill an mir v'rbei,  
Mir isch, als ob dös d' Muett'r sei.  
D g'wiß, dia wert mi g'warnet hau',  
Si hat's so oft im Leaba' thau':  
Und 's Folga' hat's m'r gründle zoiget,  
D'rum hau' mi halt in deam au gnoiget.

Und was seitdeam mi treffa' mag,  
I trag mein' Kumm'r ohne Klag,  
Und wenn i manchmaul heina' wott,  
I denck an's sell: „Vertrau of Gott!“  
Und fällt d'r Voarhang mir mal nied'r,  
Nau find i 's Muetterle scho' wied'r.



## Verzag nu nit!



Wie bin i als Schtudentle g'schprunga'  
 Am früha' Morga' scho' recht bald,  
 Wie hand im Feld dia Vercha' g'sunga'  
 Und d' Droaschtla' in deam Tanna'wald!  
 So hell, daß i nit saga' ka',  
 Dau fang i fell au 's Singa' a'.

Und mit deam Liab am früeha' Morga'  
 Zuecht all'r Kumm'r os 'm Herz,  
 Dau singt ma' naus all' seine Sorgia',  
 Und leicht und allweil leicht'r wert's;  
 Und wenn i au foi' Vog'l bi',  
 I krieg doch ihren leichta' Si'.

Jez manche Leut hat dös it g'falla',  
Daf i in meiner Noath no sing:  
Hah! singet it au d' Nachtigalla'  
Und Lerch und Fink und Amerling?  
Und dia hand grad di nemlich Noath,  
Hand au of moara' no foi' Broad.

Wear wert wohl moara' dia v'rhalta'?  
Sie hand ja au koin Kreuz'r Geld.  
Ha mei', dia land da' Herrgott walta',  
Und wenn bear forget, isch nia g'fehlt.  
Sie wisset's scho', daß bear oim geit,  
Und allamaul zuer reachta' Zeit.

Und mir isch, währle, grad so ganga',  
Es hat mir allmaul Ebber g'schria:  
Du därfst nu koin Stroid a'fanga'  
Und z'frieda' sei', nau manglet's nia!  
Brzag nu nit, 's hat's allmaul thau',  
Laf du nu unsern Herrgott ga'!

Sei' Arem ka' ja nit v'rlahma',  
Und wenn 'r au nit sell oim geit,  
So schickt 'r Din, der in sei'm Nama'  
Deam Bögele 'n Keara' schtreut..

Und laßt 'r beam sei' Guett'r gea',  
Nau kriegsch du au, du bischt ja meah.

Dau bin i maul im Bruihaus g'essa',  
Im Bloamathal, i will d'r's sa;  
Gar viel Leut hand hört ebbes g'essa',  
Nu mir hat's halt nix z'essa' tra.  
I b'schtell a' Bier, 'n Kreuz'r Broad,  
Nu mei', es hätt's scho' thau' zuer Noath.

Dau hat ma' of mein Tisch auftraga'  
So Knöpfla', luff und leicht wie Schaum;  
Platz hätt i g'hett im leera' Maga',  
Doch zahla' kan i dös ja kaum.  
„Studenterl, guet'n Appetit!“  
Sait d' Wirth, — „zohl'n darfst's ös  
nit.“

D woisch, iez hat m'r's g'schmeckt dös  
Essa',  
Dös, Brüederle, hätt'scht solla' seah!  
No denf i dra', fa's nit v'rgessa',  
's ischt anno zwoia' vierzga' g'wea'.  
D wenn dia Frau no leaba' fott,  
Heunt sag'r no: „Vergelt's ui Gott!“

So deckt d'r Herr gar viele Tischla',  
Sei' Haus ischt volla Zuig;  
D'r Dchs kriegt Heu, a' Wass'r d' Fischla',  
D'r Schpinnawett schickt Ear a' Fluig  
Und dir a' Broad no voar'm Schnitt,  
Ear ischt ja reich, v'rzag nu nit!



12.

's Brief-Täuble.\*

~~~~~  
Ich guck iez wohl scho' vierzeh Tag,
Mir fehlt a' Täuble in mei'm Schlag;
Sie hat 'n Brief of Müncha' g'nomma',
Und seit deam ische nimma' komma'.

Es ischt mei' liabschta', wau i hau',
Drum will m'r's gar so z' Herza' gau':
Es schmect m'r nix voar laut'r Sorga',
I wach scho' auf bis Di's am Morga'.

* An meinen lieben Freund, als mein Brief
an denselben verunglückte.

Ich mueß iez nach dem Täuble seah,
Am End isch ihm doch ebbes g'scheah:
Es hat doch sonscht of Waldfirch g'funda',
Nu' dösmaul furt, und wie v'r'schwunda'!

Am End hat's gar d'r Hach v'rtwischt,
Daf nit of Müncha' komma' ischt:
Dös thät mi doch scho' recht v'rdrießa',
Dean Kerle sott ma' glei v'r'schießa'.

Doch wenn's du hascht, schick's raus, i bitt,
Und schick bei' Freud, dein Kumm'r mit!
D laß dös Täuble, laß doch fliaga'!
In drei, vier Täg ka'sch s' wied'r kriaga'.

Wau bischt denn, Täuble, liab und fromm?
D herzig's Täuble, mach und komm!
Ich möcht von dir dia Botschaft heara',
Ma' häb mi z' Müncha' doch no geara'.



13.

Mei' Veigele.

An G. v. Fr.

Gelt', d' Veigela', dia kennscht du scho'?

Es geit verschied'ne Arta';
Doch woischt, de duftig'schte d'rvo',
Dia wachset it im Garta':
So violett und gar so nett,
Dia wachset it im Garta'.

Und alle Morga' theand sie d' Luft
Mit ihrem Wohlg'ruch fülla'
Und hauchet ihren feina' Duft
Ganz hoi'le und im Schtilla':

Keller, Erdbörsla'. 3. Aufl.

Sie geand 'n hear zue Gottes Fahr
Ganz hoi'le und im Schtilla'.

Sie blüehet wohl für Jed'rma',
An Schtolz ischt gar it z'denka',
Und fäng dau Diner 's Loba' a',
Glei thäten f' 's Köpfle senka':
Sie wend foi' Lob, v'schrecket d'rob,
Glei theand sie 's Köpfle senka'.

Wenn Ebber scheane Bluama' will,
Nau theand si d' Beigela' bucka',
Und denket allweil in d'r Schtill:
Nach uns thue di nit bucka':
Am Roasa'schtock dir Bluama' brock,
Nach uns thue di nit bucka'!

Und grad döös Beigele, mau i moi',
Döös schtat au in foi'm Garta';
Es ischt scho' dau bei uns dahoi',
Doch halt, dau muescht iez warta'!
Moi'scht du, i sag an wellem Hag?
O noi', dau därfscht scho' warta'!

Mei' Beigele will döös it hau',
I sott's halt Neama' zoiga';

Es will nu im Brborg'na' schtau',
Sonscht thuet's sei' Köpfla' noiga':
Und wenn i käm und di mit nähm,
Nau thät's sei' Köpfla' noiga'.

Wia ischt dös Beigele so guet
Beim Arma' und beim Kranka'!
Und was es als im Schtilla' thuet!
Und wartet it of's Danka'.
Geit au viel hear zue Gottes Fahr
Und wartet it of's Danka'.

I hau' nu Ängschta', wenn i 's sag,
Und bi' scho' oft v'r'schrocka';
Wenn Diner rauskäm an dean Hag,
Gar könnt m'r 's Beigele brocka':
Wenn ear so näh dös Bleamle fäh,
Gar könnt 's am End gar brocka'.

Doch wenn's so unser Herrgott wott,
Was häl'f nau all dös Klaga'?
Liab's Beigele, nau b'hüet di Gott!
I müest's halt eaba' traga':
Und wenn i di au nimma' sieh,
I müest's halt eaba' traga'.

Doch oi'maul, oi'maul kommt d'r Tag,
Dau fluigt a' Engele nied'r
Und brocket's weg vom Erda'-Hag,
I hoff, dau find i 's wied'r:
Ear trait's ja nau in d' Himmelsau,
I hoff, dau find i 's wied'r.



II.

Kind'r-G'schichtla'.

(Größtentheils für die Münchener Jugendblätter verfaßt.)

1.

's Michale.



Mei' Michale ischt an arm'r Bue,
 Im Arma'-Haus geboara',
 Und hat sein' Vat'r no d'rzue
 Scho' in d'r Wiag v'rloara'.
 Guet hat 'r's nia sei' Lebtag g'hett,
 A' Laubsack dös ischt all sei' Bett;
 Doch kan ear guet d'rof schlausa'
 Truë Fürschta'leut und Grausa'.
 Sei' Hösle hat, dös sag i ui,
 Scho' viele Riß und Schäda',
 'N groaßa' Fleck of jed'm Knui
 A'gnaiht mit graue Fäda'.
 D'r Frack wär recht, dös mueß i sa,
 Es hat 'n z'earscht a' Schandarm tra;

Doch iez thät voarn und hinda'
Koi' Kapp a' Mäusle finda'.

Im Wint'r hat 'r Schtief'l a',
Es ischt so kalt, thuet schneia';
Dia Schtief'l sind vom Linda'-Ma',
Dear thuet 'ms all'maul leiha'.
He Leut! dös isch sei' scho' a' Schtaat,
Wenn ear so rauf in d' Kircha' gat:
Dau fan 'r si d'rinn rüehra',
Und thuet 'n nit so friera'.

Sei' Kapp ischt voar a' Schnupstuech g'wea',
Ear hat's von Glött rauf g'funda';
Und d' Muett'r hat's, dös fa' ma' seah,
Mit Schpaget z'sämme'bunda':
Und naiht Papier und Berg d'rinnei',
Dös mueß sei' scho' recht warem sei'!
Und paßt ihm nei' in d' Anfa'
Nach Wunsch und nach Gedanka'.

Jez wenn's halt gar arg rengna' thät
Und schneia' od'r winda',
Nau hat 'r sei' scho' au 'n Pläd,
Ma' fa' koin bess'ra' finda'.

Und was dös sei, i sag's ui kurz,
Bon fein'r Muett'r isch a' Schurz;
Dean thuet 'r nau so traga'
Als wia 'n Mant'l-Kraga'.

Ihr moinat wohl, beam arma' Kind
Werr d' Freuda'-Sonn nia scheina',
Gar werr oft schnattera' im Wind
Und alltag bitt'r heina':
Was? traureg sei'? O b'hüet mi Gott!
Gar ischt schier luschtiger, als 'r sott,
Thuet mi sei'm Schuel'r-Kanza'
Gar oft dur's Dorf na tanza'.

Wia oft theand and're Menscha' find
Ihr schpizig's Näsle rümpfa',
Wenn d' Kloid'r nit ganz modisch find,
Und theand da' Schneid'r schimpfa':
Mei' Michale laßt's gau', wia's gaut,
Und thuet sei' Häs a', wia 'rs haut:
Ihr könnet meinthalb lacha',
I werr 's iez au so macha'.



2.

Was 's Michale thuet.

Wear sitzt denn dört im Winkle
Und zupft und schpinnt am Günkele?
Wear haschet nau dia Schpind'l a?
Nu', wend 'r's wissa', soll i 's sa?
Mei' Michale.

Wear gat all Wucha' etlißmal
In's Mühlholz und in's Raggathal?
Oft z' Aued no und ganz alloi',
Und trait d'r Muett'r Klaubholz hoi'?
Mei' Michale.

Wear gat am Mistta Ramita,
Und wenn's au schneit, in's Wäldle na

Und watet rum in Schnea und Eis
Und bringt d'r Muett'r Beaf'm-Reis?
Mei' Michale.

Wear gat im Somm'r scho' voar Tag
Of Rechberg in da' Erdbeer-Schlag?
Wear brocket Beerla', dia's dau geit,
Und trait's in d' Schtadt für d' Herra'leut?
Mei' Michale.

Wear hollet Laub d'r junga' Gois,
Wenn Neama' schier foi's z'finda' woiß?
Wear geit d'r alta' Gois ihr Heu
Und forget für a' Wint'rschtreu?
Mei' Michale.

Wear gat zum Kraum'r um a' Salz?
Wear hollet d' Hef und wear a' Schmalz?
Und d' Krautschand mueß ei'trappet sei',
Wear trappet's bei de' Baura' ei'?
Mei' Michale.

Doch mit 'm Lerna' gat's no beas,
Sei' Muett'r hat halt 's Ella'-Meaß:
Und ear soll iez dean Met'r hau'?
Dös will 'm nit in Kopf nei' gau',
Deam Michale.

Und earscht dia Gramm, dös leicht'r G'wicht,
Dau macht 'r scho' a' bitt'r's G'sicht:
Und Nicklmünz und deutscha' Mark?
Dös ischt 'm schier a' bißle z'schtark,
Deam Michale.

Gar mag in d' Schtadt gar nimma' nei'
Und schtellt sein Erdbeer-Hand'l ei':
Sei' Waar so guet, sei' Meaß so recht,
Und 's Geld d'rfür so feintle schlecht!
Arm's Michale!

Doch d' Muett'r sait: „So hat's koin Toa',
Merk du nu auf, nau lernescht schoa'!“
Of dös nauf fangt 'r 's Lerna' a',
I glaub, daß ear iez alz scho' fa',
's g'scheid Michale.



3.

Michale in d'r V'rsueching.



Michale thuet Erdbeer brocka'
 Weit d'r'hinda' in 'm G'hau,
 Siecht dau a' jung's Häsle hocka',
 Leit 'm voar d'r Näs schier dau.
 D böß kan 'r Neama' saga',
 Wie 'm dau sei' Herz hat g'schlaga'!
 Dös nett Häsle, au', au', au'!
 D böß Häsle möcht 'r hau'!

Doch was thät d'r Jäg'r saga'?
 Woisch, dös Häsle g'heart it bei'!
 Michale, du darffst it jaga'!
 Laß du Häsle Häsle sei'!

Thue du deine Erdbeer brocka'!
Laß di nit zum Schteahla' locka'!
So hat's G'wissa' aufbegeahrt,
Michale hat it glei g'heart.

Allweil mueß 'r wied'r gucka',
D böß Häsle ischt so schea'!
Möcht's an's Herz so geara' brucka',
Möcht 'm gar an Ale gea':
Und nau ließ 'r's wied'r laufa',
Könnt ja lang gnue wied'r schlaufa'.
Ab'r 's G'wissa' geit foi' Rueh,
Red't 'm allmaul wied'r zue.

Michale, siegsch 's Häsle zitttra'?
D was hat böß für an Angscht!
Willscht 'm 's Leaba' denn v'rbitttra',
Wenn du böß arm Närrle fangscht?
D wie thät sei' Muett'r heina',
Gieng 'r grad als wie d'r beina',
Wenn ma' di nit hoi' thät lau'!
Michale, laß 's Häsle gau'!

Und mei' Bue, mei' herzig guet'r,
Hat em Häsle d' Freiheit g'schenkt;

Denn ear hat an Häsle's Muett'r
G'rad wia an de oige denkt.
Und dös hat 'r z' Herza' g'nomma',
Wär 'm schiergar 's Heina' komma',
Sait zum Häsle: „Schpring nu' meah
Und bei' Muett'r grüß m'r schea'!“

Thue du au wia 's Michale denka',
Plaug foi' Kinde ohne Roath!
D dös thät sei' Muett'r fränka',
Wur ihr Aug vom Heina' roath!
Thue mir au foi' Bögele fanga',
Thue m'r nach foi'm Häsle langa'!
D wia traureg wär gar bald
Ohne Thierla' jed'r Bald!



4.

Michale of's Vaters Grab.



Wie gat d'r Wind so schneidig kalt,
 Bringt gar scho' kleine Flocka'
 Und thuet vom Baum mit all'r G'walt
 De letschte Blättla' brocka!
 'N Reisa' hat's wie laut'r Schnea,
 D'r Neab'l will au nit in d' Höah,
 Am Weiher duß isch g'froara',
 's ischt Allerseala' moara'.

Wie ischt doch alz so toad und schtill,
 Hearscht schier a' Mäusle laufa'!

Koi' Vögele meah singa' will,
 Dia sind scho' all' v'r'schlaufa'.
 Und d' Leut theand of da' Kirchhof na
 Viel scheane Kränz und Bluama' tra:
 Scho' Kränz von alle Arta',
 Ma' moi't, ma' sei im Garta'.

Dau han i scho' a' recht schea's Grab
 Voll Kränz und Bluama' g'funda';
 Doch sind dia Kränz foi' Liebesgab,
 Hat's nu d'r Gärt'n'r bunda'.
 Deam hat ma' etle Gulde gea',
 Und g'sait: „Gell, mach sei' 's Grab recht
 schea'!“

Doch d' Liab — dö's fa' ma' greifa' —
 Dia ischt v'rbrennt vom Reifa'.

Doch hättescht du a' bißle Zeit,
 Thät i a' Grab dir zoiga';
 's ischt nit so schea', wia's manche geit,
 Doch d' Arbet d'rauf ischt oiga'.
 Es ischt mit frischem Moos ei'g'saßt
 Und roathe Schtroif, was prächte paßt,

Sind Hagabuz am Schnüerle,
Dia schtandet gar so zierle.

Und in d'r Mitt — von weißem Sand —
A' Kreuz mit floine Schtrahla';
D'r Michale macht's mit eig'ner Hand
Und laßt sie nit d'rum zahla'.
Gar heinet d'rauf so mancha' Zähr,
D — sait 'r — wenn i g'schtorba'
wär!

D thät dear Bat'r leaba',
Was thät i dau d'rum geaba'!

Und viel Leut seahnd deam Bueble zue,
Dear 's Bat'r's Grab thuet ziera';
Und Manch'r denkt: „Du guet'r Bue!
Wie thuescht du 's Herz oi'm rüehra'!
Wohl bischt du arm, doch döz ischt gleich,
Du hascht a' G'müeth so woich, so reich:
A' zarta' Liab im Herza',
A' Quell von Luscht und Schmerza'“.

Und gat d'r Wind au schneidig kalt,
Und isch au Wint'r woara';

Mei' Michale, dear freut mi halt,
Sei' Liab isch nit v'rfroara'.
D herzig's Bueble, bleib so guet!
Denn was a' Kind für d' Eltra' thuet,
— Und thät's au Neama' loba' —
D'r Bat'r siecht's dort doba'.



5.

's Fränzle.

Ja gucket nu' — losz tauſet nei'! —

Da' Franz vom Herra'-Schneid'r!
 Hat bear a' Rittele, ſo ſei'!
 D'rum hat 'r ſo viel Reid'r:
 Und Hoß und Leible und Crabat,
 Wia döſ ſo guet deam Bueble ſchtat!
 Und nau ſei' Gang d'rzue,
 Es iſcht a' nett'r Bue.

Sei' Muett'r wiß döſ wohl recht guet,
 Gar iſcht ihr Auf und Nied'r;
 Und alz iſcht ſchea', waß s' Fränzle thuet,
 Dau iſcht 'r gar niß z'wid'r:

Und was 'r will, dös kauft 'm sui,
Sei' Sach ischt allweil nag'lnui;
Und lobet oi's da' Franz,
Nau ische selig ganz.

Und 's Fränzle bild't sein Thoil si ei'
Und hänslet and're Kind'r;
Dear mueß sei' Schauf, dear 's Kälble
sei',

D'r oi' sei' Hafa'bind'r.
Dau lachet sui os vollem Hals:
„Was woiß doch 's Fränzle wied'r alz?“
Und bild't sie gar no ei',
's müeß ebbes hinder'm sei'.

Schtellt oi's em Fränzle ebbes a,
Nau hoißt's: „Ah, find halt Kind'r!“
Und hoißt's: „I verr's em Schuellehr
sa,“

Nau sait sie: „Gang zum Schind'r!
I sott mei' Bieble schlaga', gell?
Und wega' so 'nem Bagabell?
Noi', noi', dös g'schicht m'r it,
Ka'scht hi'gau', wau da witt.“

Dös ischt a' rechta' Schneid'rgois,
Und fa'scht nix mit 'r richtha';
Und wenn's foi' wauhra' Ausred woiß,
So fa' sie oina' dichta':
Und ganz ihr Bluet hat 's Fränzle g'erbt,
So jung 'r ischt, ear ischt v'rderbt!
Ear macht's scho' oft recht brau',
Wia wert 'm's wohl no gau'!?



Am Klausal-Ta.

Was flepperet dau dunda' so
 Und raslet mit d'r Netting?
 Wear schreit denn so: „I krieg di no,
 Für di dau geit's foi' Netting?“
 O Fränzle! 's ischt d'r Santiflaus,
 Ear isch, i fa' d'r's saga':
 Dau dunda' schtat 'r of d'r Schtrauß,
 Hat Bäurles Leart beim Kraga'.

Ear hat a' Mueth scho' ella'lang,
 'N Kräga' und 'n Küb'l;
 A' schwera' Netting und 'n Schtrang,
 A' Gottbuech und a' Fib'l.

Und wear in deam it leasa' fa',
 Of's mindescht buchshtabiera',
 Dean legt r' an sei' Ketting na'
 Und thuet in d' Schuel ihn fűehra'.

Und wenn a' Kind it folga' thuet,
 Dös kennt 'r of da' Dupfa';
 Dös kriegt fei' Pompes mit d'r Rueth
 Und mueß in Kräga' schlupfa'.
 Nau bind't 'r'n zäma' mit 'm Schtrang
 Und deckt d'rof na' da' Küb'l;
 Dös fa' nau heina' schtunda'lang,
 D Fränzle, deam gat's üb'l!

Doch wenn a' Kind recht lerna' thuet
 Und folget brav em Vat'r,
 Mit deam ischt ear scho' fei'tle guet,
 Und tauset Sächla' hat 'r;
 Dia thoilt 'r auß im Üb'rfluß,
 So Fead'ra', Bildla', Büechla'
 Und Äpf'l, Bira', welsche Nuß
 Und Zwetschga' und au Kűechla'.

Nu', Fränzle, los, wie wert's dir gau'?
 Wohl komscht 'm dur mit Leasa';
 Doch — wert 'r ja — doch mueß' n hau',

Dean Bueba' dau, dean beaja'.
Gar hat am Schuellehr nu da' G'schpaf,
Thuet in der Kirch viel schwäga',
Ist no um Beatläut of d'r Gaf,
Nu rei' dau in mein Kräga'!

Dau fällt d'r Fränzle na' of Anui,
Thuet jäumera' und schreia':
„D Santiklaus, iez bitt i ui,
Nu dösmaul no v'rzeiha':
D Herrle, nit in Kräga' nei'!
I will iez brav'r werra',
I will im Kirchle rüehbig sei',
Und Acht gea' of da' Herra'!“

Und Santiklaus ischt no so guet
Und heart of Fränzle's Bitta';
Wohl thuet 'r'm dräuha' mit d'r Rueth,
Doch zwifla' thuet 'r'n itta'.
D Fränzle, denf sei' an dia Nacht
Und denf an dei' V'rschprecha':
D Fränzle, Fränzle, gib doch Acht
Und thue dei' Woart it brecha'!



Wear luigt, dear schtiehlt.

Am Aft'rme'dtig Namita
 Ist Bäschtiß Res'l komma'
 Und sait gem Schuellehr: „Land ui ja,
 D'r Schneid'rfranz, dear hat mi g'schla
 Und hat mir d' Rud'l g'nomma'."
 Doch 's Fränzle isch glei bei d'r Heß
 Und sait: „Dös isch v'rloga'":
 Ear leugnet Alles frisch und fest,
 Jamohl, bei Schtiel und Butza' weg
 Und hat foi' Maul v'rzoga'.
 „Noi', Schuellehr! alz v'rloga' isch,
 Dau suechet in mei'm Gescht'l:

Ja," sait 'r no d'r laufig Wisch,
„Dau ischt iez d' Luge of'm Tisch.
Bon bean'r falscha' Bäsch'l."

Jez kommt dau unter'm Dischputat
D'r Pfarr mitsammt sei'm Pub'l:
Gib Obacht, Fränzle, wie d'rs gat!
Siegst, was im Maul d'r Pub'l hat?
Dei' Schnupstuech mit d'r Nud'l.

Dös Sach isch unt'rm Brückle g'wea,
Ganz saub'r zäma' bunda',
Und ischt so of 'm Balla' glea,
Dös hält sei' Lebtag Neama' g'seah,
Nu' 's Publ's Näs hat's g'funda'.

„Weam wohl dös Schnupstuech g'heara'
mag?"

So thuet d'r Herr iez frauga'.
Dau trifft da' Fränzle schier d'r Schlag;
Jez kommt sei' Luge an da' Tag,
Jez friegt 'r nasse Auga'.

„Dös Schnupstuech g'heart em Schneid'r-
franz!"

So schreiet alle Kind'r.

„Wart!“ — fait d'r Schuellehr — „Galga's
schwanz!

Nau hascht au d' Nub'l gnomma', g'schtand's,
Sonscht mascht dei' Sach nu' mind'r!“

Und iez mueß 's Fränzle alles g'schtau',
Sei' Schteahla' und sei Lüega':

„O Fränzle, o was hascht du thau'?
Woischt nimma, wia di g'warnet hau'?
Du werscht dein Thoil scho' friega'.“

Jez hoizt ma' dau deam Fränzle ei',
D'r Schtecka' thuet si biega':

„Gelt, Mändle, gelt, iez merf d'r's sei'
Und laß du 's nächstmaul 's Schteahla'
sei',

Dei' Gehla' und dei' Lüega'!“



8.

Fränzle's Leicht.

Wear heinet do,
 Wear heinet do
 Am Mühlbach bunda' gar a' so?
 's ischt d' Schneidere, daß Gott v'r barm,
 Sie hat ihr Bueble of'm Arm:
 Es hat's dö's U'glück troffa',
 Ihr Fränzle ischt v'rsoffa'.

Ma' läut so lang,
 Ma' läut so lang,
 Und d' Glocka' wimmeret gar so bang:
 D'r Leicha'zug kommt Schritt für Schritt,

Und alle Schuelkind kommet mit:
A' Kranz isch of'm Schraga',
Und Jüngling theand 'n traga'.

In's Grab, in's Grab,
In's schaudrig Grab
Mueß d' Bauhr trug all de' Bluama' nab.
Jez no an Blick, nau macht ma's zue,
Und Alles heinet nu grad gnue:
Wia thuet's dö's Bueble daula',
Mueß scho' so jung v'rfaula'!

D guldes Kind!
D guldes Kind!
Wia lauft doch 's U'glück oft so g'schwind
So sait d'r Herr — wischt d' Auga' ab —
Mit folga' bringt oft früeh in's Grab.
Dös Fränzle hat's iez müeßa'
Glei mit 'm Leaba' hüeßa'.

D gand it nei'!
D gand it nei'!
Im Gumpä' land m'r 's Bada' sei'!
So han i g'warnet no bei Zeit,
Mit daß a' maul a' U'glück geit:

Was hilft oin denn sei' Schwimma'?
Im Krampf dau fan 'r's nimma'.

Und schnell isch g'scheah!
Und schnell isch g'scheah!
Dös ham m'r an deam Bueble g'seah.
Jez hat 'r's freile bitt'r bueßt,
Hat scho' so jung in's Gräble g'müest:
D Herr, thue ihm v'rziha'
Und Frieda' ihm v'rleiha'!

Alz gat iez hoi',
Alz gat iez hoi',
Nu' d' Muett'r bleibt no ganz alloi':
D wia dös Loib im Herz d'rinn zucht!
D wia dös naget, wia dös druckt!
Und thät sie si nit wehra',
Dear Kumm'r müest's v'rzehra'.

D Herr, v'rzeih!
D Herr, v'rzeih!
Uns allaboida' gnädig sei!
So beatet, ja si heinet's meah
Und thuet of's Grab 'n Weichbrunn gea:

Und legt os Moos a' Kränzle
D's Gräble ihrem Fränzle.

Gell, merket's sei'!

Gell, merket's sei'!

Mit folga' bringt in's Gräble nei'.

D nimm voar Leichtsi' bi in Acht!

Sonst wert au dir bald 's Gräble g'macht,

Und müest wohl au am deina'

Dei' Muett'r bitt'r heina'.



9.

A' kräftig'r Voarsatz.

Xavere, ja du beaf'r Due!

Echtiel'scht mir Guckummera' os'm Garta';
Du merk nu auf, was i dir thue!
Dir werr i komma', thue nu' warta'!

Ja was, Herr Lehr! wear ka' dös ja,
Daf i Ui häb Guckummera' g'schtohla'?
Mei' Maga' ka's gar it v'rtra,
G'wiß mauhr — d'r Teuf'l soll mi hola'! —

Was? schwöra' thuescht au no d'rzue?
Du ka'scht a' so scho' 's Teufel's werra'!

Keller, Erdbörle. 3. Aufl.

Wart nu', du grundv'rdorb'ner Bue!
Dös sag i moara' glei em Herra'.

A' noi', Herr Lehr! a' sind doch schtill!
A' theand mi doch nit no v'rflaga'!
I werr mi bessera' und will
So ebbes nimma', nimma' saga'.

I hau' dös voar nu oh'g'fähr g'jait,
G'wiß wauhr! of Ehr und Seligkeit! —

Ja bischt it schtill, du Galga'-Bue!
Mueß allamaul a' Schwur d'rzue?
Dei' Seal ischt g'wiß scho' lang v'rloara',
Dia hascht scho' tauſetmaul v'rſchwoara'.

Ah mei'! U iſcht do gar nix recht,
I durſt nu' ſaga', waß i mecht:
I wer iez ab'r nix meah ſa,
D'r Dond'r ſott mi glei v'rſchla'!



10.

Sei dankbar!



Jez Kinder, so därf's nimma' gau'!
 Wia oft mueß i no zanka'?
 A' jed's Kind, dös i ag'schtrauft hau',
 Dös mueß si schea' bedanka'.
 Denn d' Schtrauf dös ischt ja ebbes Guets,
 Sie schmeckt wohl herb, doch helfa' thuet's.

So sait d'r Schuellehr mancha' Tag,
 Denn d' Kind'r theand's it geara';
 Au d' Schmiede — no vom alta' Schlag —
 Will von dem Dank nix heara':
 Jez gang m'r mit deam kalta' „Dank“,
 So sait sie, mach mi nu it krank!

Guck, Marei! wenn d'r ebbes bring,
A' Bildle oder Buechle,
Und — wenn maul ält'r bischt — 'n Ring,
'N Schurz, a' seibes Tüechle:
Dös „Danf schea“ laß du fedle schtau',
I will von dir 'n Geltsgott hau'!

Und d' Marei merkt dia Warning guet
Und hat's no nit v'rgessa';
Dau friegt si maul vom Schuellehr d' Rueth,
Wöl's nia ischt rüehbig g'fessa':
Sei ruehig — sait 'r — und gib Acht!
Doch sui hat glei a' Pfändle g'macht.

Dia Dag, dia hat 'r arg v'rschmaucht,
Sie friegt ganz nasse Auga'
Und hat foi' Wöartle füre braucht;
Dau thuet's d'r Schuellehr frauga':
„Woischt du nit, wia ma' saga' sott?“
„D jau, Herr Lehr! V'rgelt's Ui Gott!“



Schtreu-Diab.

Zwoi Büabla' gand maul mit anand
 In's Raggathal in Tanna'wald;
 Ihr Säcke Schtreue hand si bald.
 Und wie sie allzwei' bunda' hand,
 Dau sait d'r Mich'l: „Hans, gib Acht!“
 Und hat 'n Purza'schtengl g'macht.

Doch 's Hänsele — wie halt Bueba' sind —
 Nimmt 's Michale beim Schpaga'srad
 Und seit 'n of da' Schtreue-Sack;
 „Gelt, Mich'l!“ -- sait'r — „dau isch
 lind?“

Doch 's Michale bringt's redle ei'
Und feit da' Hans in d' Schtauda' nei'.

Earscht wie ma' gnua hat g'foiget g'het,
Dau sait d'r Hans: „Jez müesß m'r
gau',

Es wert scho' Olfa' g'schlag'a' hau',
I hear ja läuta' bis von Glött."
„Ja," sait d'r Mich'l, „nau isch Zeit,
Mit daß d'rhoim no Pompeß geit."

Grad wend sie os 'm Wäldle naus
Und plauderet no von ihrem G'schpaß,
Dau shtat d'r Jäg'r of d'r Paß
Mit sammt 'm Hund — o Schreck und
Graus! —
„Halt!" — schreit 'r — „halt, du Lumpa-
Paß! --
Glei theand'r 's Müesß hear mit 'm Sack!"

Dia Buebla' werret leicha'bloich;
's hat Olfa' g'schla, und kochet isch,
D'rhoim shtat 's Kraut scho' of 'm Tisch.
Jez shtat d'r Jäg'r an d'r Dich

Und will's nit hoim zum Eßsa' lau',
Will d' Schtreue sammt de Säckla' hau'.

„Wia ischt d'r Himmel klar und blau!
Wia scheint dia Sonn so frieble ra!
Wia lauft d'r Bach so luschtig na!
Wia singet d' Vögel in d'r Au!
Wia wär döß Glött-Thal liab und schea!
O wenn's nu thät koin Jäg'r gea!“

So hand dau meine Büebela' denkt
Und heinet bitt'r allezwä:
„Ah, Jäg'r, he, mir bitte schea,
Daß uns doch d' Schtrausa' werret g'schenkt!
O was wur dau mei' Muett'r ja?
Und mi thät gar mei' Wat'r schla!“

Ah, Jäg'r, drucket d' Auga' zue
Und theand, als seiet Ihr nit dau!
Mir gand U nau maul of Weilan*
Und theand U beata' viel und gnue.
Nau bleibet Ihr recht frisch und g'sund;
Ah, gand iez furt mit Uirem Hund!“

* Biolan, ein Wallfahrtsort.

Und 's Jäg'rherz ischt nit von Schtoi'.
Gar sait zum Michale: „I weiß,
Dei' Muett'r hat dia gozig Gois;
D'rum nimm dei' Schtreue halt mit hoi'!
Doch, Bueba', kommet nimma' rauf,
Denn moara', moara' schreib i auf!“



Am Krippe.



Ja Kinderla', wau sünd 'r,
 Was schtandet ihr lang na'?
 O kommet, liabe Kind'r,
 Daß i ui saga' fa',
 Was in d'r heiliga' Nacht ischt g'scheah!
 O kommet rei', i laß 's ui seah!

Komm, Hänslle, thue di schtrecka'
 Und guck in's Krippe nei'!
 Gell, thue m'r's sei' nit wecka',
 Thue au recht rüehbig sei'!
 Dös Kindle, dös dau liega' siehscht,
 Dös ischt d'r Heiland Jesu-Chriecht.

Vom Himmel ischt 'r g'schtiega'
In unser Welt daurei',
Därf nit im Buppele liega'
Und nit in's Wiagle nei';
Im Kripple leit 'r of 'm Schtroah,
Sei' Muett'r ischt um dös no froah.

Koi' Mensch hat's mölla' b'halta',
Si hand so weanig Geld;
Im Neab'l duß, im kalta',
Räm schiergar 's Kind of d' Welt:
Koi' Haus isch für sie offa' g'wea,
D'rum ischt im Schtall dös Wund'r g'scheah.

Doch glizget alle Schteara',
D'r Mau', dear scheint so hell;
D dia hand 's Kindle geara',
Dia gand it von d'r Schtell!
Und d' Eng'l flieget auf und a
Und singet laut ihr Gloria.

Es beatet d' Muett'r Gottes,
Und Joseph beatet mit
Beim Kindle — denn a' fottes
Find'scht weit und broit sei' nit. —

Und 's Efele und 's Döschle au,
Dia schtandet volla' Andacht bau.

Und Greatele, siegsch, dört deana',
Dau knieglet fremde Mand!

Was dia 'n Huet, 'n scheana',
Und nette Schippa' hand!
Von Bethlehem dös Hirta' sind,
Dia beatet zue deam Jesuskind.

Und d' Engela' theand singa',
Und beata' theand dia Leut,
Weil's Kind thuet Frieda' bringa',
Und aus ischt all'r Schtreit.
's liab Hergettelle vom Himmel ra
Thuet sell d'rzue sei' Amen sa.

D'rum Hänslè, Tone, Greatele,
Und Sepp'r, Dörle, Leart!
D saget uir Gebeatle
Em Kindle, dös isch wearth!
Und weam Gott hat a' Schtimme gea',
Dear sott heu't singa', ab'r schea.



III.

La-eppische Gedichte

und

Afforismen.

1.

Fünfaßwanzga'.

(Schnad'rhüpfala'.)

He lufchtige Schwauba'

Hand geara' 'n G'sang.

Sonſcht wert na' — dərſch glauba' —

D'r Aubed glei z' lang.

Und beim Bier gar it ſinga',

Dös wär na' ſcho' z' dumm;

Bei d'r Muſe nit ſchpringa',

Ja, dös brächt's halba' um.

A' richtig'r Burscht
Trinkt a' Mauß für sein Durst,
Und a' luschtiger Bue
Singt a' Liadle d'rzue.

So a' luschtiger Bue,
Dear weiß Liabla' grad gnue;
So a' trauriger Schwanz
Ra's it halb und it ganz.

Im Frühling gat's Eis,
Und nau wächst ebbes Neu's;
Ab'r i bin d'r Alt,
Ist iez warm od'r kalt.

A' Wies — dös ischt wauhr —
Dia wert grea' alle Jahr.
Ab'r i bin so schea'
Und bin allaweil grea'.

Im Somm'r geit's Roara',
Ist neana' foi' Noat,
D'r Baur schneid't am Acker,
Und i am Loib Broat.

Schneidet Baura' ihr Troid,
Dau hat Reama' foi' Loib;
Doch a' Wirth wenn maul schneid't,
A' Bue, dau schimpfet d' Leut.

Im Herbscht isch a' Leaba',
's geit Wei' und 'n Moscht;
Ab'r mir isch halt liab'r,
Wenn 's Bier it viel koscht.
Doch Hopfa' und Gearschta',
Wia rar sind dia huir!
Jez mueß mi befeahra',
So a' Rausch käm mi z' thuir.

Im Wint'r könnt i fahra'
Df eisglatt'r Bah',
Fehlt m'r nix meah as a' Schlitta'
Und a' Gäule d'ra'na'.
Und gat's in da' Graba',
— Dös ischt au scho' oft g'scheah, —
Sind de Schwarze wia de Roathe
Bluehweiß wia d'r Schnea'.

Im Fuchshölzle dußa'
Schpannt a' Jäg'r sei' Bir,
Thuet au ziela' und drucka',
Ab'r treffa' halt nix.

O du Kraut Saperdi!
Bischt a' Schütz as wie i;
Schuß i nauß ob'r na,
Es fällt neana' nix ra.

Wenn 's 'n Schütza' v'rdruißt,
Daß 'r — wenn 'r au schuißt —
Doch nix siecht as 'n Rauch,
Ja na sag i: „Gib's nauch!

Wenn du allweil nu guck'scht
Und am Tupp'r nit druck'scht,
Nau v'r'schparescht d'rbei
Doch bei' Pulv'r und Blei.

Wenn 's Wasser recht frisch ischt,
Nau laß i 's Bier sei',
Nau trink i 's klaur Wass'r
Und a' guet's Schöppl' Wei'.

Wenn 's Wass'r recht mild ischt,
Nau laß i 's Bier schtau',
Dau thue i voar bada',
Ab'r nau schmeckt oi'm 's Brau'.

Ja 's Wass'r han i geara',
I schpring oft in d' Günst,
Und earscht nauche in Schteara'
Ob'r nauß bis in d' Münz.

Dös sag i em iada',
Daß i 's Wass'r scho' ma',
Thue nu Gearscht voar drinn siada'
Und 'n Hopfa' dra' na'.

A' Fuchs, der ischt schlau,
Ab'r d' Weib'r scho' au;
Doch dös merket viel Mand
Garscht, wenn's g'heireget hand.

Ab'r Fuchsbaura' Räth'r,
Dia bemocklet wia 's Bett'r;
Ja die pfiffigscht ischt dia,
Denn d'r Fuchsbaur merkt's nia.

Wenn d'r Ma' oit no schlaust,
Hat's scho' Dila' v'rkaust,
Und ear schwört no d'rbei,
Dass ear Henna'-Bogt sei.

Es thät nix v'rschla,
Ob i hein ob'r s'ing,
Ab'r d' Leut werret sa:
D du narreter Ding!

Und i fraug it warum
Und nix rum und nix num,
Ab'r doch isch m'r z' dumm,
Und dr'um isch bei mir rum.



2.

's Tröpfle.

D'r Decha't hat a' guld'na' Duß,
 Ear nimmt a' Preis und zwue;
 „Hah“ — sait 'r — „dös ischt halt a' Gnuß,
 Dean gäb i um foi' Rueh!“

Dau kommt a' maul a' lang'r B'richt,
 Mueß ebbes Wichtig's sei';
 Jez wia 'r's leasa' will, dia G'schicht,
 Dau fällt a' Tröpfle' nei'.

Ja Donn'rfeil! iez schlag nu' ra!
 Was thue i denn iez dau?

Jeż werret d' Herrä' z' Augsburg sa:
„D'r Decha't — schickt a' Sau.“

Gar schneuzt im lautera' V'rdruß,
's isch ärgerle, ja g'wiß!
Gar langt im Joara' nach d'r Duz
Und nimmt a' nuia' Preis.

Gelt, thue di b'jinna', voar da lachicht,
Und wenn's di nit v'rrischt,
Nau sag i, daß du's grad so machscht,
Vielleicht no ärg'r bischt.

Wia oft legscht du 'n Fehler weg
Und schimpffscht di sell grad gnue!
Nau dauret's ebba drei, vier Täg,
Nau thuescht no meah d'rzue.



3.

Leichtgläubige Baura'.

D'r Wirth hat sein Prozeß v'rloara';
 „Ja“ — sait 'r — „dau ischt g'lumpet
 woara'.

Dia Affakata' — b'hüet mi Gott! —
 D Mand, wenn i dau schwäga' wott!
 Von Nedlichkeit ischt dau foi' Schpur,
 Schpißbueba' sind si dur und dur;
 I nimm glei äll von A bis Z,
 I ka's beweisa' rund und nett;
 D'r Dund'r sott glei all v'rschla!
 I laß mi finda', was i sa.“

Jetz höart — wie wenn's so na' g'richt
wär —

Von dem Dischfurs d'r Brigadär
Und trait's brühwarm in's Landg'richt
nei'.

Dös hätt iez au nit müesä sei';
Hät g'moint, dear Wirth wär g'ichlaga'
gnue,

Dean ließ ma' iez doch maul in Rueh.

Dau laßt ma' fünf, sechs Zeuga' komma'
Und hat's glei oidle gar v'nomma'
Und zwanz'gmaul g'frauget hi' und hear,
Um wie und was und wau und wear?

Em Beita'baur, deam ischt dös z' dummi,
Dös öbig Frauga' rum und num.
Gar seit: „I bin a' guet'r Christ,
Und dear sait allmaul d' Sach, wie's
ischt;

I thue nix na' und nix d'rvo',
I mueß halt sa: G'sait hat 'r's scho',
Grad voar 'r naus ischt bei d'r Thür.“

Richter:

Ja, aber den Beweis dafür?
Hat er bewiesen „wie und wo?“

Baur:

Noi', noi', dös glaub m'r glei a' so.



4.

Rauth a' maul!



I hau' im Bruihaus oin seah schtau',
 'N groaßa', feschta' Burscht,
 Dear hat si Bier ei'schenka' lau',
 Ear hat für Zeha' Durst.

Ma' schenkt 'm drei, vier Maußa' ei',
 Deam Taufet-Sapp'rmoscht,
 Und 's lauft so appatitle nei',
 Ear frauget it, was koscht.

Sez endle — nu', döß glaub i wohl,
 Es ka' nit anderscht sei', —

Dau ischt 'r himm'lhag'l vol,
Bringscht nix meah in 'n nei'.

Und muescht nu sa, so vol 'r ischt,
Ear hat koin Aausch d'rbei,
Ear thuet it dorkla' hott und wischt,
Moi'scht nu, wie 's mögle sei.

Doch — wär's au z' Aubed no so schpät —
Hoim will 'r halt it gau',
Und wenn 'n Neama' holla' thät,
I glaub, ear blieb grad schtau'.

Ear wartet d'rauf, ma' müeß ihn tra;
D'r Mahlknecht schleppt 'n hoi'.
Wear isch iez dös? Nu', soll d'r's sa?
Hah, 's Müller's Krueg von Schtoi'.



5.

An den obern Müller in G.

Sofo, Ihr möchtet Ed'l-Reiz
 Von meine echte Heßa'-Doara'?
 I könnt's Li schicka' buschlameis,
 Doch mei'! dia Müeh wär alz v'rloara':
 Hand Ihr foi' Brill wie i dahinda',
 Nau theand 'r doch foi' Schleahle finda'.

Es gand bei mir viel Leut v'rbei
 Und seahnd foi' gottig's Schleahle hanga';
 Ma' moi't nu', wie dös mögle sei,
 Und doch isch Viele scho' so ganga':

Ma' därf it bloß an's Schtäuble hoch'
Und Schlehla' in sein Schurz nei' brocka'.

Dau gat's wie bei de Trüffela',
Dös ischt a' Koscht für groaße Herra';
A' Dachshund därf lang schnüffela'
Und findet foi's au mit 'm Scherra';
Doch land 'n Trüff'lhund maul schnuffla',
Am dümmishta' Platz find't bear oft
Truffla'.

So gat's mit meine Doaraschleah,
I find's sogar an frende Hecka';
Doch käm a' And'rer — wuret's seah —
Dear thät nix finda' um's B'recka'.
Gar durst si schtrecka' od'r bud'a',
Ja wisset, alz hat seine Mucka'.

D'rum, Müll'r, land Li ebbas sa:
Land Ihr nu b' Mühle fleissig lausa';
Nau können Ihr — dös mueß 's ja
tra —

D' Waldfirch'r Doaraschleah leicht kaufa'.
Dia Mühle bringt Li meahner Mucka'
Als mir dia „etle Hagabucka'".

So Müll'r, und iez Gott mit Ui!
Und theand m'r sei' foi' Fauscht it macha'!
Mir werre weaga' deam it schui,
Gelt noi', dau theand Ihr höchstens
lacha';
Und könnt i no wie fröh'r schpringa',
I käm maul num of Gund'lsdorf.



D'r Grabschtoi.

D'r Hanns kommt os d'r Freude hoi'
 Und möcht maul of da' Kirchhof gau';
 Es hoist, ma' häb so scheane Schtoi',
 So werr er's neana' troffa' hau'.

D' Hofbäure ischt sei' Dothle g'wea',
 Dean Grabschtoi' möcht 'r b'sonders seah:
 Dear schtat scho' wie a' Thura' dau,
 Sischt oba' weiß, d'r Sod'l grau.
 Und guck nu hear, a' guldn'a' Schrift,
 Und wie si alz of's Tüpfle trifft!

Dau ischt d'r Tag, wau sie geboara',
Und wann sie kupaliert sind woara',
Und wie viel as sie Kind hat g'hett.
Ah! — denkt d'r Hanns, — dös ischt iez
nett!

D'rauf kommt d'r Schterbtag, nau a' Bers;
Doch iez kommt ebbes üb'rzmers:
Dau schtat iez RIP, lateinisch no!
Liest nomaul und liest wied'r so.
Und „Rip“ hoißt's, lies i, wie i will!
„Ja“ — sait d'r Matheß — „sei doch
schtil!

Wie sott's denn anderscht hoißa'? Narr!
Lateinisch isch — dös ischt vom Pfarr! —
Dia wert g'wiß nix in d' Kirch thau'
hau',
D'rumb hat 'r dös hearschreiba' lau'."

„Ja“ — sait d'r Hanns — „wauhr isch
grad scho',
Kriegt hat scho' Neama' nix d'roo';
Ganz U'recht ischt 'r wohl it g'scheah,
Von Geabahofa' isch nia' g'wea'.
An mir hat's g'nicket — nimma' schea' —

Und nia', koin Seala'wedä' gea'
Und z' Daschtera' a' gottig's Di
Und kaum a' Gröschle od'r zwoi.
Und hand dös' Hofbaur's soviel Zuig!
Gelt, Mathez, gelt, nit daß i luig!

Doch, daß ma's of da' Grabschtoi' schreibt,
Dear mau für öbige Zeita' bleibt,
Und daß dös' uns'r Pfarr häb thau':
Dös' will m'r nit in Kopf nei' gau'."

Am Bürgau' höart dös' Mauler's Lise
Und sait: „Dös' hat a' ander's Nise.
Dös' därf ma' foi'm of d' Näs nauf
binda';
Wear g'scheid ischt, wert's scho' sell raus=
finda'.

Wia hat dös' Weib dean Baura' g'schoara'!
Dear Naze ischt schier narret woara':
O dear hat g'heinet mancha' Schtund,
Sui hat n' g'halta' wie 'n Hund.
Jez endle thuet si d' Muga' zue,
Jez hat d'r Naze au a' Rueh.
Doch fa' ma' dös' de Leut it ja,

Woisch, dumm'r Hans! d'rüm fürzt ma's a,
Nacht 'n Gedanka'schtrich d'rzue;
Dau muescht nau ebbes denka', Sue!
Da ganza' Bers hätt i scho' g'macht,
Und dear thät hoißa' — iez gib Acht!
„Geab ihner Gott de öbig Rueh!“
„Requiescat in pace!“
Und dear, mau's wiß, dear denkt d'rzue:
Jez gruehbet au d'r Naze.“



7.

D' Schuel-Gicking

oder

D'r chrischtle Wunsch.

(A' Bilde, nach d'r Natur gezeichnet.)

~~~~~

„Jez loset, Räth'r, land ui sa!  
Am nächschta' Sonnteg Namita,  
Dan theand 'r ui im Schulhaus schtella';  
I glaub, ma' wert ui schtraufa' wölla'.  
Ui'r Kind ischt os d'r Schuel ausblieba',  
D'r Schuellehr hat's of d' Lischta' g'schriebea'.

Jez kommet, unterschreibet g'schwind,  
Daß ihr von mir recht g'lada' sind,

Und theand sei' nit dahoi'ta' bleiba',  
Theand's liab'r in Rolend'r schreiba'!"  
So sait d'r D'schoi zue d'r Rãth'r;  
Dau blicket's — 's kommt a' Dond'r wett'r:

„So, so wert's mir beim Schulrauth g'macht!  
Und gib i so of d' Schuel'r Acht:  
Schtand frueh scho' auf und wãsch na d' Kõpf  
Und schtrehl na' d' Haur und flicht na' d'  
Gõpf

Und schick so fleissig meine Kind  
Und mahn's, daß s' ja recht oardale sind;  
Laß no d'rhoim ihr Aufgab schreiba'  
Und thue allsand an's Lerna' treiba'.  
Dau bleibt mei' groaß'r Bue maul aus,  
Jez macht ma' a' V'rbrecha' d'raus,  
Thuet wia a' lüedrig's Weib mi schtraufa',  
Und mueß gar sell in's Schuelhaus laufa'.  
Im Heuet, grad im ärgschta' G'wuehl,  
V'rsaumt mei' Sepp'r oimaul d' Schuel,  
— A' gottig'smaul und sonscht sei' nia —  
Dear Schuelrauth sott 's Grambampela\*  
fria!

---

\* Bauchgrimmen.



Denn wur m'r 's Vieh frank, liaba' Zeit!  
Wear ischt, bear mir nau z' essa' geit?  
Vom Baura'-Weasa' mueß i leaba',  
Von deam mei' Schtuir und Abgab geaba',  
Und hilst a' Kind an halba' Tag,  
Für döß oin schtraufa'? Ei, so schlag!"  
So durnet's furt bei dean'r Räth'r,  
Es ischt a' graufeg's Dond'rwett'r.

D'r Dschoi zoiget's währle a'  
Und reibt dia Räth'r feintle na';  
„Ja," sait 'r, „dia hat anderscht g'schria,  
D'r Schuelrauth sott 's Grambampela' fria.“

Jez wia sie ischt in d' Sizing komma',  
Dau hat ma's arg of d' Hech'l g'nomma'  
Und wüethig mit 'r aufbegeahrt.  
Doch d' Räth'r sait: „'s ischt it d'rwearth;  
Hau' i denn g'wunscha': Theand v'rrecka'?  
Und sottet mi im Bud'l leck'a'?  
Und and're wüeschte, grobe Sacha'?  
Nau könnt ma' so 'n Lärma' macha'.  
Doch noi', i bin a' chrishtles Weib,  
I hau' Regilio' im Leib,  
I wünsch Uu nu' 's Grambampela',

Daß Kainer d' Sizing halta' fa':  
Nau müeßt a' jed'r woitle laufa'  
Und könnt it dia arm Wittfrau schtraufa'.

Und wenn's denn öba' g'schtrauft sei' mueß,  
So saget m'r nu' glei mei' Bueß!  
Nau zahl i li mein bluetiga' Groscha',  
Weah werret Ihr wohl kaum v'rhoscha'.  
Dau nimmet ihn iez meinetweaga',  
Dear bringt d'r G'moind g'wiß Hoil und  
Seaga'!"

Und iez hat's burnet, währle, gnue,  
Jez kommt a' Neagele d'rzue;  
Denn d' Rät'h'r fangt iez 's Heina' a',  
Sie heinet, hecket, was si fa',  
Und draiht sie nomal of d'r Schtiaga':  
„All sottet ihr 's Grambampela' friaga'!"

Und no ischt d' Sizing nit recht aus,  
Dau drucket All beim Schuelhaus raus;  
Und woitle schpringet hoim dia Wand;  
Ob's nit scho' gar 's Grambampela' hand?!



8.

Afforismen.



I.

Helt, Jörg, di hat nit Gott v'rschaffa' ?  
Du bischt a' Früchtle von de Affa',  
Und dia sind g'wachsa' os 'm Schleim!  
Ei, guck, dös geit iez grad 'n Reim!  
Jez g'hearscht du halt zum Affa'g'schlecht;  
Nu, wenn's so hau' willscht, mir isch recht.  
Doch sei m'r brav, v'rreiß m'r nix,  
Woisch, Äffle, woisch, sonscht gäb d'r Wix.

---

II.

Schtudentla' gand maul in d' Bafanz,  
In's Boyrland na ge' schtappla',  
Und Diner, gar a' Galga'schwanz,  
Woiß allweil ebbeß z' bappla'.  
„Ja“, sait 'r, „mir sind weitweit hear  
Vom Boda'sea in Schwauba'.  
Seahnd, Bäure! döß ischt g'wiß foi' Bäär,  
Ihr därfet's fedle glauba'!

Und währle, manches Muetterle  
Geit hoi'le voar'm Baura'  
Deam gar so g'schpracha' Schwäbale  
U' Gröschle os Bedaura'.  
Doch mancha' and'ra' glaubt halt schwer  
Und hat „kein menschlich Nühren“:  
„Vom Schwob'n-Land seid's ös nit her,  
Könnt's ja so deutsch diskrieren.“

Und grad so denf i manchmaul au,  
Hear i so mancha' Lassa',  
Dear schwägt, als wiß ear Alles gnau,  
D'r Mensch, dear schtamm vom Affa'.  
Wau ischt a' Aff, dear schwäga' fa'?

Wia, thue oin füre füehra'!  
D'rüm — G'l! bischt foi' Pavia',  
So'scht könntescht it bischfrierä'.  
Probier's und richt 'n Pavia',  
Dafß ear — wia du — bischfrierä' fa'!

---

### III.

#### Schwurg'richt's-Verhandlung.

Richter:

Sie, Anna Flachs! Sie sind beklagt,  
Im ganzen Dorfe wird gesagt:  
Sie hätten in bewußter Nacht  
Ihr Kindlein selber umgebracht.

Beklagte:

Noi', Herrle, noi'! Wear fa' böß sa?  
I 's Kindle umbraucht? Ei so schla!  
Ds laut'r Liab han 's i so druckt,  
Und 's hat nit g'heinet und nit zucht;  
Earscht wia i's nomaul g'nublet hau',  
Nau hat's foi' Schnauferle meah thau'.



Wissenschaftliches Gutachten:

Die Äffin hat das so im Brauch,  
Erbrücht aus Lieb ihr Junges auch;  
Das führt unfehlbar auf die Spur:  
Der Mensch ist Affe von Natur.  
Das Mädchen hier, wer sie auch sei,  
Ist d'rum von Schuld und Strafe frei;  
Naturgemäß verfuhr sie bloß,  
D'rum mein Parere: „Geht sie los!“

Beflagte:

A, Herrle! Ihr hand 'n B'r'schtand!  
D gand doch hear, i fuß li d' Hand!

(Im Vertrauen.)

Und wär a' bißle ebbes g'scheah,  
Es ischt ja nu a' Äffle g'wea.

Geschworne:

Jetz loset, Herrra', was i moi'!  
Dia Äffe lamm'r nimma' hoi',  
Dia nimmet nu' und schperre's ei'!  
U'menschle fa' dös doch it sei'!

An' Affa' in a' Käset thoa',  
Dös ischt d'r Brauch sei' Lebtag schoa'!

---

IV.

D'r Franza'-Baur, dear Sakerdi,  
'N g'räuchta' Affa' hoist 'r mi!  
Noi', so an sein'r Eahr oin kränka'!  
Dös will 'm i sei' Lebtag denka'.  
Dear Aff, dear leit mir schwer im Maga',  
I moi', i sott 'n gar v'rflaga'.

Noi', Ma'! dau wärescht g'wiß v'rloara',  
Vom Affa' sind ja All' geboara';  
All' sind maul of de' Bäum rung'hocht,  
So seit d'r Darwin und d'r Vogt.  
Und wear iez g'scheid sei' will, mueß sa,  
D'r Mensch, dear schtamm vom Affa' a.

Und ärg'ret si au z' toadt a' Pfaff,  
D'r Mensch, dear isch und bleibt an Aff.  
Und bei de G'richt'r, woisch, dia Herra',  
Dia theand iez wied'r gläubig werra'  
Und glaubet deam, dear's Affa' nennt,  
Meah' no als du bei'm Testament.

Und hoißt di Diner Affa'g'sicht,  
Dös werfcht du seah, daß beam nix g'schicht.  
Und g'räucht? Nu' mei', ischt au no recht!  
A' g'räuchta' Zung wär glei nit schlecht.  
Und wenn i dir 'n Rauth soll gea',  
So bleib d'rhoim, i bitt di schea',  
Und laß du dös V'rflaga' sei',  
Dean g'räuchta' Affa' schuib nu' ei'!

Ja Rauchbaur, woisch, du hascht leicht sa,  
I ka' dean Affa' nit v'rtra;  
I will's beam Franza'baur scho' saga'  
Und extra thue 'n iez v'rflaga'.  
Und theand si nix bei deane G'richt'r,  
Nau hoiß i Alle „Affa'g'sicht'r“.

---

V.

a.

A', gnädiger Herr, theand doch v'rzeiha'  
Und theand m'r a' zwanz'g Gulda' leiha':  
Of Jörga'-Ta krieg i a' Kalb,  
Nau zahl i hoim, doch g'wiß maul halb;

A' zwoit's frieg i an Beat'r's-Ta,  
Nau zahl i redle Alles a.

D'r gnädig Herr, a guet'r Ma',  
Zählt dau em Lenz zwanz'g Gulde na'.

Jez d'r Bedeant vom gnädiga' Herra',  
Dear lachet, schier zum kropfet werra',  
Und sait zum Lenz: „Jez weiß i gnue,  
Du bischt amaul foi' schlechta' Rueh.  
Zwei Kälbla' friaga' in oim Jauhr,  
Dau hascht di g'flissa', dös ischt wauhr.

Jez sott mir nomaul Diner sa,  
D'r Mensch, dear schtamm vom Affa' a',  
Mir seie Affa' von Natur;  
D Lenz, dau ischt bei dir foi' Schpur!  
Wia fa' a' Thoil Leut doch so lüega'!  
An Aff thät nia zwoi Kälbla' friega'."

b.

D'r Johann, dear vom gnädiga' Herra',  
Wär sonscht an oardalich'r Burscht;  
Nu sott's bei ihm nia Sonnteg werra',  
Dau hatt 'r gar so feintle Durscht;

Dau geit's oft Neab'l, geit 'n Brand,  
An Suss, 'n Affa' — allerhand.

Am Namestag vom Herr Barona'  
— Es ischt grad am a' Sonnteg g'wea' —  
Hat ear mit seiner Appalona'  
Scho' b'sonder's tuis in Krueg nei' g'jeah.  
Doch ear sait allweil: „Ah, 's passiert,  
I bin iez grad illuminiert.

Dös g'schiecht nu' em Barona' z' Gahra',  
Heut lüecht'r sei? iez dös wär schea'!  
Und thät 'r's ebba moara' heara',  
Nau wert 'r mir scho' 's Trinkgeld gea'.  
Jez no a' Mäufle — ab'r g'schwind! —  
Em Johann und sei'm scheana' Kind!

Jez laß m'r da' Barona' leaba'  
Und sei' Barone sei' scho' au;  
Und wenn sie mir d' Lizenz theand geaba',  
Nau bischt of's Zauhr mei' liaba' Frau.  
Dös gäb a' Fescht a', wia no foi's,  
Df dös hi' trink m'r g'schwind no oi's."

Ear trinkt und trinkt, hat nomaul trunka',  
Nau ischt d' Illuminatio'

Bom Schtuehl na of da' Boda' g'junka';  
„Herr Jerum!“ schreit sei' Appalo'.  
Doch unter'm Tisch drinn heart ma' no:  
„Der Herr Baro', dear lebe hoh!“

Iez heart dear Lenz am and'ra' Morga',  
D'r Johann häb 'n Affa' g'hett;  
Dear därf iez für da' Schpott it sorga',  
Ear zahlt 'n redle hoim — i wett —  
Für dia zwoi Kälbla' und für Rueh,  
Dau geit 'r iez scho' nimma' Rueh.

„Geh, Johann!“ — schreit 'r — „land U  
faga',  
Wean hand 'r nächst denn mit ins Bett?  
Ihr hand so gar schwer an 'm traga',  
Ma' sait, 'n Affa' hand 'r g'het.  
'N Affa'? so, wünsch Glück d'rzue!  
I merk iez scho': Ihr sind foi' Rueh.“

---

VI.


Dia Affa' hand 'n dumma' Brauch,  
Denn was sie seahnd, dös machen's nauch!

Dau siecht a' Aff maul oin kutschiera',  
Flugs will 'r dös glei au probiera';  
Gar frebslet of da' Gutscha'-Bock  
Und raset üb'r Echtoi und Echtoß.  
Dia in d'r Gutsch hand mörd'risch g'schria'  
Kutschiert isch freile — ab'r wie?

Und seit iez d' Leut da' Glauba' hand,  
Ihr Echtammbaum schtand im Affa'-Land,  
Dau moinet sie — es ischt zum Lacha' —  
Sie müeße Alles nauche macha'.

Ma' schwächt in Schuel und Kircha' nei',  
Will Pfarr und Papscht und Bischof sei';  
An's recht Ziel kommt ma' so doch nia,  
Kutschiert isch freile — ab'r wie?

Am End kommt nau d'r Demokrat,  
Dear ja dasella' Echtammbaum hat;  
's Rauchmach'a' ischt ihm grad so oiga',  
Gar wert sei' echta' Raß uns zoiga':  
Da' Boarta'-Frack, da' schwarza' Rock,  
Gar feit allzwea' vom Gutscha'-Bock  
Und fährt dur's Bluet bis rauf an Rnia,  
Kutschiert isch freile — ab'r wie?



## D' Heb'rgab'

an die Frau Oberin der Erfinden-Anstalt.

---

So Herrschafts-Kinder in d'r Stadt,  
Ja mei'! dia hand guet lacha';  
Ma' ischt ja dau und dört v'rwandt,  
Ma' hat 'n Onk'l und a' Tant,  
Alz thuet Präsent'r macha',  
Dia Kind'r hand guet lacha'.

Und wenn ma's so v'rzähla' heart,  
Dau fa' ma' nit gnue saga':  
Dau geit's 'n Schal und dört a' Tued  
Und dau a' recht schea's Bild'rbuech,  
Nau gar von Pelz 'n Kraga',  
Dau fa' ma' nit gnue saga'.



Und was sie earscht zum Essa' hand!  
    Confekt und Dier-Wöckla'  
Und Schockalab und so Bo'bo':  
Wia heißt ma's denn? Ihr wißet's scho'.  
    Ja, dös sind and're Bröckla'  
    Als Glött'r Ofa'-Wöckla'.

Doch mei' Gott! dia Kretina'find,  
    Dia laßt ma' halt so laufa';  
Dau ischt foi' Bett'r und foi' Bäs,  
Wau ihne thät 'n Flüg'l Häs  
    Und Zuck'rsacha' kaufa',  
    Dia laßt ma' halt so laufa'.

Nu' hört und dau a' fromma' Seal  
    Hat mit de Kind V'rbarma'  
Und schickt 'n Butt'r und an Di,  
A' Meahl, 'n Flachs und allerloi,  
    Manchmaul 'n Rock, 'n warmä',  
    Ds Mitleid und V'rbarma'.

D'rum hau' m'r denkt, i sott iez nu'  
    Für d' Kind'r Erdbeer brocka';  
I bin ja z' mittlescht d'rinn im Wald,  
A' Krähle vol, dös han i bald.

Schtatt faul in Schatta' hocka',  
Will i so Erdbeer brocka'.

Und was i brocket hau' — dau isch —  
I schenk's iez deane Kind'r.  
Frau Obere! iez bitt i schea',  
Theand Ihr mir sei' foi' Körble gea'!  
Ihr hand dau g'wiß nir hind'r,  
I schenk's ja Uire Kind'r.

Und no oi's, no oi's will i thoa',  
I will's schtatt li v'rkaufa';  
I wart nu' of a' gueta' Zeit,  
Wau's sölle Beer jonscht neana' geit,  
Gang nau zue Fürsch und Graufa'  
Und thue 's für li v'rkaufa'.

Und zue de Baura' gang i au,  
Zue meine liabe Schwauba'.  
D g'wiß! dau kauft mir Manch'r a,  
Zue was es g'heart, dös sag i ja.  
Es sind, Ihr därfet's glauba',  
Gar guete Leut dia Schwauba'.

Und d' Herra' earscht im Schwaubaland!  
I kenn ja meine Herrla';

Dau wert wohl schier a' Jed'r sa:  
„Gang rei' dau, Franz! I kauf d'r a  
Für deine arme Närrla',“  
I kenn ja meine Herrla'.

So nimmet iez dö's Kräble a'!  
Geab Gott d'rzue sein Seaga'!  
Es trait doch etle Sechserla'  
Für Uire arme Kinderla',  
Nau könnet 'r's meah pfleaga'.  
Geab Gott d'rzue sein Seaga'!

---

'S ischt üb'rgea', wie Ihr dau seahnd,  
B'hüet Gott, ihr Leut! Jez gat's in d'  
Pfreand.



# Inhalts-Verzeichniß.

|                                          | Seite |
|------------------------------------------|-------|
| Vorbemerkung . . . . .                   | III   |
| Voarred zue d'r dritta' Auflag . . . . . | VII   |
| Voarred zue d'r zweita' Auflag . . . . . | XI    |

## I. G'schpach und Karescht.

|                                                                                            |    |
|--------------------------------------------------------------------------------------------|----|
| 1. Was geit's? . . . . .                                                                   | 3  |
| 2. D'r Spruch . . . . .                                                                    | 9  |
| 3. An die schwäbischen Excellenzen zc. . . . .                                             | 13 |
| 4. An Erzellenzen zc., die nicht schwäbisch,<br>aber recht gut deutsch verstehen . . . . . | 17 |
| 5. Für d' Baura' . . . . .                                                                 | 22 |
| 6. An da' Geabhart . . . . .                                                               | 27 |
| 7. D' Uhra' . . . . .                                                                      | 32 |
| 8. D' Graßmucka' . . . . .                                                                 | 34 |

|                               | Seite |
|-------------------------------|-------|
| 9. D' Brautwahl . . . . .     | 37    |
| 10. Warning . . . . .         | 40    |
| 11. Verzag nu' nit! . . . . . | 43    |
| 12. 's Brief-Täuble . . . . . | 47    |
| 13. Mei' Beigele . . . . .    | 49    |

## II. Kind'r-G'schichtla'.

|                                         |    |
|-----------------------------------------|----|
| 1. 's Michale . . . . .                 | 55 |
| 2. Was 's Michale thuet . . . . .       | 58 |
| 3. Michale in d'r V'rsuechung . . . . . | 61 |
| 4. Michale of's Vaters Grab . . . . .   | 64 |
| 5. 's Fränzle . . . . .                 | 68 |
| 6. Am Plausa'-La . . . . .              | 71 |
| 7. Wear luigt, dear schtieht . . . . .  | 74 |
| 8. Fränzle's Leicht . . . . .           | 77 |
| 9. W' kräftig'r Voarsatz . . . . .      | 81 |
| 10. Sei dankbar! . . . . .              | 83 |
| 11. Schtren-Diab . . . . .              | 85 |
| 12. Am Krippe . . . . .                 | 89 |

## III. Ka-ppische Gedichte und Afforismen.

|                                                |     |
|------------------------------------------------|-----|
| 1. Fünfazwanzga' (Schnad'rhiüpfala') . . . . . | 95  |
| 2. 's Tröpfle . . . . .                        | 101 |

|                                      | Seite |
|--------------------------------------|-------|
| 3. Leichtgläubige Baura' . . . . .   | 103   |
| 4. Hauth a' mau! . . . . .           | 106   |
| 5. An den obern Müller in G. . . . . | 108   |
| 6. D'r Grabschtoi . . . . .          | 111   |
| 7. D' Schnelßing . . . . .           | 115   |
| 8. Afforismen . . . . .              | 120   |
| D' Üb'rgab' . . . . .                | 130   |





